


Primaria

Winonibo yoia

Shipibo-konibo



Literatura 2 - 5°



PERÚ

Ministerio
de Educación

La ciudadana y el ciudadano que queremos

Desarrolla procesos autónomos de aprendizaje.

Se **reconoce** como persona valiosa y se **identifica** con su cultura en diferentes contextos.

Gestiona proyectos de manera ética.

Interpreta la realidad y **toma** decisiones con conocimientos matemáticos.

Propicia la vida en democracia comprendiendo los procesos históricos y sociales.

Indaga y comprende el mundo natural y artificial utilizando conocimientos científicos en diálogo con saberes locales.

Perfil de egreso

Se **comunica** en su lengua materna, en castellano como segunda lengua y en inglés como lengua extranjera.

Aprovecha responsablemente las tecnologías.

Comprende y aprecia la dimensión espiritual y religiosa.

Aprecia manifestaciones artístico-culturales y **crea** proyectos de arte.

Practica una vida activa y saludable.

Currículo
N a c i o n a l

Winonibo yoia





Ministerio de Educación

Dirección General de Educación Básica Alternativa, Intercultural Bilingüe
y de Servicios Educativos en el Ámbito Rural

Dirección de Educación Intercultural Bilingüe

Winonibo yoia II
Literatura 2 - 5° Primaria - Shipibo-konibo

©Ministerio de Educación
Av. De la Arqueología cuadra 2, San Borja
Lima, Perú
Teléfono: 615-5800
www.gob.pe/minedu

Primera edición, 2023
Tiraje: 1290 ejemplares
Impreso en agosto 2023

Autor

Luis Marquez Pinedo

Revisión lingüística

Josué Rodríguez Gonzales

Asesoría y revisión técnica (Digeibira–DEIB)

Josué Rodríguez Gonzales

Diseño y diagramación

Luz María Ataucuri García

Ilustraciones

Archivo Digeibira–DEIB

Cuidado de la edición

Natalia Inés Verástegui

Impreso en Lettera Gráfica S.A.C.

Av. La Arboleda N° 431 – Ate – Lima – Perú
RUC 20507839283

Hecho el Depósito Legal en la Biblioteca Nacional del
Perú N° 2023-06682

Todos los derechos reservados. Prohibida la
reproducción de este libro por cualquier medio, total o
parcialmente, sin permiso expreso de los editores.
Impreso en el Perú/*Printed in Peru*



Japari yoiã

Ainbo itan benbo bakebo:

Nato kirika yoyo ati wishaa riki matona. Janra jakoinraakin maton onana mesko jawekibo orichabo mato koshiaxonai. Non akaa riki akas akasshamankin, jaabiribi oinbainxon, jaweti axeamis ainbo itan benbo betan, jaskaaxon onanyama jawekibo maton onanti kopi. Axeamisnin axeti mesko kirika akinaimeranbi, maton anibaonribi mato akinti jake. Jaskaribi papashokon, titashokon itan wetsa rarebobaonribi kirika akaitian mato akinti jake, jakoni axeax onan itan eseya bakebo ikanti kopi.

Ja yoyo atibo, nato kirikain maton meraibaonra non ese, non axe, non shinan itan noa iikirana jawekibo orichaabo maton onani kai. Jaskaribi non join yoyo iti, yoyo ati itan wishati, mato koshiai, non rarebo itan non kaibobo noiti, yoinabo itan jiwibo jakomaatima itan jain noa jaa koinrantiboribi. Jaskaribi, wetsa jonibo betan jakonax jati, xobon jaabo betan, axeti xobonko itan jeman jakonax jatibo mato shinamai kai.

Non onanyama jawekibo iamax joibo maton meraitoninra mesko jawekibo mato axeaibo maton koshiai kai. Nonra shinanai maton keen iki kai nato kirika. Jaskaribi icha jakoinra jawekibo mato axei kai.

¡Jakonshokobo shinameti joibo wishakana riki, keen keenshamankin yoyo awe!

ÍNDICE

Japari yoia	3
Mesko yapabo pikoni	7
Wiso inon nawabo keyoni	11
Jaskatax noa mesko jonibo pikoni	15
Bokan maxo tari bichini	18
Ochitibo winoni	23
Janaka joni ini	27
Kesha bakebo penpen nii	31
Joni bonsiman yomerati axeani	35
Joni mai roniman bikeani	41
Manxan bii bokani	44
Ichinka jonibo ini	49
Xakacharon xoke kenatexni	54
Choyachakin omisha ani	58
Mananxawen ino koshi tanani	63
Mananxawen chaxo ishto tanani	66
Pishpishan ese jonin ninkani	71
Kapan, joni atsa wai ati onamani	75


Mesko yapabo pikoni

Joní benatianronki noa ipaonike yapa piti onama. Jatibitian yobin kokoabore. Jaskara iitironki joni kaa iki yae benai. Kaxki nokota iki ani manaman. Jain nokoxon oinaronki ika iki kikinshaman yaekan kai. Jaaki aka iki jonin jepe pei nabiroakin, jan yae papinonxon.

Jaskaaxonki aka iki nabironin napoxonki, jaa manan bochikia bekin, jaimashoko iipaketi. Joaxki ika iki, manan texanpanin nokoti, jainki tantia iki. Jainxonki xea iki jawen nane joshin potsi. Jainxon ninkataronki ika iki, –jeee ichairari chachinon bekanwe– iki. Jatianki joni kaa iki tsoarin jain ixon oini. Jaa moa ochomakin oinaronki ika iki westiora ian maxkosanakon.

Jaa kakin oinaki tsoabi yama, jainoaxki neteshoko ian manaon yakata iki. Jainxon ninkataki tax, taxxxx iki, jaaki neteshokoki kaa iki, bena benabaini. Jaskaxon oinaki yankon koton saweya joshin chopa teoya. Jainxon oinaronki ika iki tantoyapa tsakaxon pii yakata. Jaskaketianki aka iki jiwi meshi chaish axon meramakin.

Jainxonki aka iki yoyo akin –Joni jawe akirin mia neno– akin. Jatianki aka iki –lkama min jenemea jawekishoko bixon jawekiakai oin oini– akinki aka iki. Jatianki tsonkiro joninki aka iki, nato riki jenemea yapa, jawen jane riki tantoyapa– akin. Jaskaxonki yoia iki –Nenora icha joni bea nato yapa chachi, ramabira bekanai oin–



akinki aka iki. Jaskaxon ninkatabironki ikai korabetani bei. Jaaki netexon ninkakana iki. Ninkataki, non joi jisachashaman, joxo payon maiya nonti sikaoma, mankoya itan ramashaman ikaibo.

Jainxonki tsaori jonin yoia iki –Jaton jema riki nenoax ochoma, ramabira bokanai oin, en mia isakinbanon min oini kanon– akinki aka iki. Jainoax moa bokanaitianronki aka iki, tsaorimakin, –Wetsa isa noa ipanara noa ramiakanake, tsaori isara jaton ken iki– akin. Jainoaxki bokana iki noyakaini. Jaskati joni kayaki kai raroi tsee ikaini. Jaa kaxki nokokana iki westiora jema ian manaon. Jainxon oinaronki ika iki nokoti jaa yomerai bowankanabo. Jatianki ainbonin mai kenti bibeiraxon nontimea napoxon boxon jato menikin, jaaki kaxon jaton jeman mani pei kakaxon saaaa akin.

Iwanxonki jawen bakebo betan yakaxon pikin, moa barin chorish aka oinxon.

Jainxonki akana iki paranta kora xeakin. Jainxonki tsonkironin yoia iki –Noara ointan ointankanai kawe kanon jaton yopan yoinai keskara shinakanake– akin. Jaa iwankanai nokoxonki aka iki, jakiribi jonimakin. Jainxonki yoia iki –Nenoax chosko netera ani xeatiakanai, jainra ikanai metsa metsati– akin.

Jainxonki joni yoia iki, –Ea jobatanon joni min ea iwenon, nekebi ea kapanara ea jakomaakanake– akin. Jatianki tsonkironin aka iki –Ikonrake joni jotanwe noa kanon min oinon meskokanaibo– akin.

Jaskaketianki ika iki nete seneni. Jainoaxki ika iki joni karibai. Kaxon jisaki tsonkiro joni jaa manai yakayakati. Nokoketianki aka iki yoikin –Bakishra neno beibakanke tantoyapa tsakai. Joxonra aibankanke ronin bakeranon retekin jato jawe akaimabi, jaskarain riki jakonshamama nete, kikinira iwanke yame ronin sinashini,

jaweskara winobirakanai, ishtonres jato oinon kawe- akinki aka iki.


Jainoax kakin jisaronki ika iki ani roninki jato bechii iiti. Jatianki tsonkironin yoia iki, natora jakoma jaweki iki ishtonres jato oinon kawe, akin. Kaxon oinkanaronki ika iki xete joniboki kikinshaman raometabo, mesko tariyabo, ainbobo wiso chitontiyabo. Jatibi yosi joniboki mankoyabo, jaa moa ani xeati peokokenbironki ika iki, nato iaman jene kobini, komon iakei.

Jainxonki tsonkironin aka iki -Kawe joni noayabira roniman jato keyonake-akin. Jainoaxki bokana iki. Jawen xobon nokoxonki aka iki shinan shinankin, jaabiki onsati tirin iiti oi kikinshaman kexto bei. Jatianki tsonkiro jonijoa iki jawen xobonko, joxonki yoia iki -Joni jaskati moara nokon xobo jenen mapoke, jakopira miiba ea joke, mia jakon xoboya iketian. Min xobo natapotia in neetax oxati riki, kikinshaman

jene ichara beai, noa jain katainbata jemara rama moa yamakeskake enra ochoma ixon ninkaninkawanke, saa iitibira moa jenepawankanke- akin.

Nete xabaketian oinaronki ika iki, kikinshaman jawen xobo napo moa nokotires, jainshaman kati yama. Jaaki ika iki jabishoko jain ostameeta, jaskaraki yantanke, yameki iishinke jaskabi. Nete xabaketianki ika iki moa tsosini. Jainxonki jonin shinana iki, jaa jonibaon jema iibata oini kati. Jainxonki aka iki jawen nonti benxoakin, jaskataxki kaa iki kakinki ninka ninkabainkin.

Kaxki nokota iki jaa ibata jeman, oinaki ja jema ibatainki kikinshaman xabashaman jaton xoboboki poxaakea, tsoabi yama. Jaa mapexon oinaki ika iki, kikinshaman tsoabi yama. Jainxon oinaronki ika iki westiora xeteki jiwini peyakax shiiii, shiiii iiti. Jakayaki namiaki katainbatax nokota ikaxbi moa jato nokoyamaa, jan onisiki iiti.




Jainxon oinaronki ika iki, jato pekao ani
ian. Jain kaxon jisaronki ika iki tsonkiro
joni keyaka keyakai, jainxonki aka iki –Joni
nenjoarin mia– akin. Jaskaketianki yoia
iki –Eara joke akonbireshkin roniman jato
keyoa iketian oini, joxonra ake en merakin
meskokeka yapa, ani, animashoko– akin.
Jaskakenbironki ika iki westiora joni
kikinshaman tari sanken joi. Joxonki jato
aka iki yoikin –Jawe akirin matoeara joke
nokon papan raana, mato joi yoi– akin jato
aka iki.

Jainxonki tsonkiro joni yoia iki –Miara
jatibitian beshe yapa piai ikai, jakopira
nato jonibicho en yoiai akinki aka iki.
Jainxonki joni yoia iki –Oricha kanon
kawe joni en mia jakon jaweki yoinon–
akin. Jainxonki yoia iki, –Betiwe, rama
moa oinwe– akin. Jaskaaxon oinaronki
ika iki kikinshaman yapan kai, ian bocho.

Jainxonki aka iki, –Ninkawe mia yoinon, oa
yapa sere itina riki jawen jane moxobaton,

jaa riki tari ani sereya ikax jaskara baneta.
Oa ani itina riki bawin, jaa riki tari kene
ani ika, oa torokana jaa riki kesho, bakebo
masha iki keyokana. Oa xeta westitani
jaa riki tsiiman, paenax oxax jainobita. Oa
tamonko joshinshaman, jaa riki picha,
ainbo kikinshaman kexa sikax jaskara
baneta. Oa wiso itina jaa riki pookosko
joni ika. Jakopi riki wisobicho jawen jane
riki mocho. Oa poto itina riki piro, jaa riki
joni kikinshaman poto mawata. Oa wetsa
wiso itina riki ipo, ebe mechoshoko ikax
jaskara baneta, ikaxbi jawen bemanain
keneya. Oa ani jakoinra itina riki wame
kikinshaman tari sankeya ikax jaskara
baneta– akin.

Jainxonki jonin yoia iki –Natobo riki nona.
Jaara pikaaskin min ati jake chachixon,
mishkixon–akin. Jakopira non chini bakebo
ikax iti iki, ronimanra jawen piti joneke iki
iiti– ikai iki. Jainxonki yoia iki, –Kikin noe
riki nato yapabo, en mia jaskaaxon piti



axeabanon- akinki aka iki. Jainxonronki aka iki chachikin. Bixonki aka iki tonon ispin potekin. Jainxonki aka iki ronin kenakin -Ronin sinkaina, ronin sinkaina- akin. Jaa ronin maxkoshoko joketianki aka iki, -Ea chii meniwi- akaki jawen janankonia aka iki chií pikokin. Jaaki jiwi pei kikin choshi bixon ketea iki.

Jainxonki xoixona iki. Jaskaaxonki jawekiyama iki. Jaaki ika iki ronin ainbo,

wanomaa iketian jaa bikasi. Jainoaki aka iki -Mia ochokayamanon nenobi ishton xobo awe noa jain janon akinki aka iki. Jaskatai oinaronki ika iki ainbo kikinshaman metsa, chitonti sankenshaman, koton jakoinra chinexeti joxoman, beste senen, joxo rakoti kene metsaira. Jaskara oinxonki jonin aka iki jain xoboakin, jaskaaxoronki jonin ronin ainbo bia iki.

Wisô inon nawabo Keyoni

Jonironki aka iki jawen patoronin weaman jiwîn teeti bokin. Kaxki nokokana iki ani manan tenaman jainxon wishtininti reraxon taranoxon. Kaxonki akana iki wean manaon kanpamintoakin. Jainki bokana ika iki kikinshaman jawekiati icha.

Jatian westiora ainboki bokana iki jan jato yoa axonti. Jaa moa bokanketianki ika iki jabichoshoko baneti. Bokanketianki aka iki, bekanaikaman yoa akin. Jaabicho banetaxki ika iki kikini raketî. Jatianki nete xabaketianki bokana iki moa wishtininti onantiaki. Kaxonki akana iki, kikinshaman icha jiwî onantiakin, jaa rerati. Jainoaxki bekana iki yantanshoko. Joxonki jawekiakana iki moa iibaikin.

Jaa kaxonki akatikanai mesko yoinabo retexon bekin. Jaa icha bekanaironki ika iki iso, shino, jaakayaki jawen poko atsapotoya pikin. Jaskara piironki ika iki ainbo kikini jawen xeta isini. Jaskara itaironki ika iki jaabicho ainbo baneta. Jainxon oinaronki ika iki westiora joni kikinshaman wisô joi. Joxonki aka iki ainbo yokakin –Ainbo rakeyamawe, enra mia jawe ayamai, eara joke mia oini, enra mia koiranai– akin.

Jainoaxki ika iki yakayakawanax kai. Jaa kapekaaki ikana iki jonibo bei. Joxonki akana iki jawekiakin. Jaskaketianronki ainbonin jawen poi yoikin –Nenora joke westiora joni kikinshaman ani itan wisô, janra ake ea yoikin, ea koirani joa– akin.

Jaskaketianki jawen patoron yoikana iki. Jatianki jaa nawan aka iki jato ikoanyamakin -Moa chikishira mia ibirai jansoi kakasi katanwe- akin. Jaa nete xabaketian boribakana iki jakiribi wishtininti rerai. Moa bokana ja ainbobicho iitainronki joa iki westiora joni anitamashoko. Joxonki jaa ainbo yoia iki -Ainbo koiramewe nenora jake jakoma jonibo, miara jakomaakanake, koirametaniwe, moa ja jakoma joni joaitianra en mia keshanai, eara ixonki kashkara kashkara iki. Jatianra min onanai moa jakoma joni joai, ikaxbira mia rakeyamai nonra mia koiranai- akin. Jainxonki aka iki rao bixon motsaxon nashimakin.


Jaskaatananki kaa iki. Jatianki jaa ainbo yoa ayananbi mana manati. Ikaxbiki jaa nete joyamaa iki. Jainoaxki nokokana iki jaa jiwini tetaibo. Joxonki jawekiakana iki. Jainxonki jawen poin yoakribia iki, jatianki jawen poin yoia iki -Rama netera

joyamake ikaxbira joke westiora joni janra ea rao motsaxon nashimake- akin. Jaa yameronki ika iki kikin nishnoshoko wiso ino keo keoshini. Jatianki nawa yoikana iki, jaabiki ikoanyamaa iki. Chikishkin maton ninkata riki iresi.

Nete xabaketianki ikana iki boribai. Moa boankana bariapanronki ika iki, jakiribi joi. Joxonki aka iki ainbo oin oinkin. Jaskataitianki ika iki, kapaboki kashkara kashkara iki. Jaa ninkatananki ika iki kai. Ja kapekaaronki ika iki joni joi, joxonki yoia iki -Moara mato kikiankin onanke ramara jaa joai, maton jaweki xetei, jaa xeteketian moa jaa yoa ayamanonxiwe- akin.

Jaa nete xabaketianki ika iki yamekirishoko kikini chixka iki, oniskaini. Jaskaketianki jawen poin ainbo yoia iki -Chixkara nomanaon keokeotai, ointaniwe miara wiso inon pinake- akin. Jainoaxki bokana iki moa jakiribi teeti.






Jaaki ainbo ika iki kikini raketi. Jaskara iitainbironki ika iki, jakiribi wiso joni joi, joxonki aka iki, –Jaonorin maton jawekiakaibo eara oinkasai– iketianki aka iki, rakekin oimakin. Jaaronki aka iki moa yoa akin peowaboki xetepakekin. Jaskaatananki kaaki iki.

Jainoaxki bekana iki yantanshoko. Joketianki aka iki ishton jato ainbonin jawekiamakin, jainxonki jato yoia iki –Oa atsapoto yakata jawekiyamakawe, jaara ja wiso jonin xetebainke, noara jawekeskanake– akin. Jaskaketianki jaton patoron yoikana iki, jabiki jaa nabaon ikoanyamakana iki. Jaaki akanke jabaon jawekiakin, jatianki kimisha non kaibonin ayakana iki.

Jainoaxki ikana iki jaa non kaibobo manati. Jainxon ninkataronki ika iki, nawaboki kikini oxai onsati ranxiki jishtenti jisamabires. Jaaki aka iki non kaibobaon jaton bachi benxoakin, jaskaxonki akana

iki jaton peota ochoma bachi chiakin. Jaa moa bachi chiaux rakakanbironki ika iki wiso ino keoti. Janxonki jaa kimisha jonikonin aka iki jaton nonti bitaanan kaxki napon toxbati ian tae ikainko. Jainxon ninkakanaronki ika iki moa ochomabires, jaabiki nawabo kikini oxakana onsati ranx iiti. Jainxon ninkanaronki ika iki moa nokoti. Jaa nokota basimaribironki ika iki onsati mapo too iki, ja wiso inon moa pia. Jáskara ninkataananki ikanaka iki kikini rateti. Jaskara iwanaxki ika iki moa wiso ino kai, jaabiki jainbi netekana iki.

Jainxon nikaxon oinkanaronki ika iki, jaton yorabicho rakaakebaina moakaya jaton mapo pia. Jaskaxon ninkakanaronki ika iki joribai mai kikini shakoti, ochomashoko sharashara iki. Jaaki ikana iki jaton jaweki biamabiki nontin jakiribi boi. Joaxronki ika iki jato oinax keyakatoshiti kikinshaman wison inon ewa, jawen xetabicho joxo iki, jawen kexa jimibires.



Jainoaxki ika iki moa kai, jaa kapekaoronki
ika iki westiora joni pikotoshiti, joxonki
jato yoia iki –Neri bekanwe en mato
koiranon– iki. Jaskaketianki ainbonin jato
yoia iki –Katima riki ja riki jaa joni noara
pinake, paraxon noa kenai riki– akin.
Jaskaketianronki aka iki, wetsa joni too
ati bitaanan too akin, jaskati onobires
biskiri poo iki, jainxon jakiribi akaki ika iki
mawati.

Jaskaatananki ikana iki jaton jaweki
shinan kaxon bikin, jaa bitaananki moa
bokana iki toxbapakebaini. Jainxon
ninkataki wetsa wiso inon jato chibani joi.
Jaa wiso inon awin, janxonronki akana
iki kikiankin winakin, joaki pikokana iki
paron, jainki moa jato chibankin jenea
iki. Jaskataxki moa jonibo jaton xobon
nokokana iki.



Jaskatax noa mesko jonibo pikoni

Westiora jonironki ika iki, ani jenen ewa pekao jabicho baneta. Jawen kaibobo benai kawankawani, jatianki ika iki moa jatibi jaweki yama. Jatianki jonin shinana iki ani mashi napo jati. Jainxonki aka iki jawen jawekishokobo jain tsamanki. Jainoaxki karibaa iki jawen kaibobo merati shinanax jato benai. Jainoaxki moa bari koshi iketianki joo iki, joxon oinaronki ika iki moa jain westiora peota axonkana. Jainki tama xeati yakata, okeki jawen wame beten, paranta joo, atsa joo, kankan jaa kokoti.

Jainxonki jonin shinana iki nenora jake nokon kaibo ixon. Jaskatananki kariba iki, jato benai, kakin oinaki moa mesko

yobinbo jai, jaki aka iki kokokin. Moa niibo jakiribi aniribii, jainoaxki jawen peota shinani joribaa iki, joxon oinaki jaskaribi jawen jawekiatibo mapoxon potabainkana, jaki jawekiariba iki. Jainxon oinaki tari metsairabo tsamata jaa saweti, jainxonki shinana iki ramara en sotana ixon.

Jainxonronki aka iki mashi chinikin, jaa akai oinaxki ika iki matoshan kai bei. Joxonki akana iki ishton chinixonkin, jatianki jonin ratekainxon oina iki, jaa ataananki bokana iki. Jainxonki shinana iki, jabaaonmein ea jawekiatibi bexonai ixon. Jainoaxki kaa iki yobin benai, jaashman kokokaskin, jaa shinanresi joxon jisaronki ika iki moa jakiribi

jawekiati bexonkana ramashokobi
abainkana xanashaman tokotokoi,
jainxonki jawekiaka iki.


Nete xabaketianki ika iki jaa mashi
chiniainko joneti, jainxon oinaronki ika
iki ainbo ishtoshaman joxon jawekiatibo
potabainkin, ikaxbiki kikin ishton,
jawekeskaxonbi yoyo ati jisama. Jaa
kapekaaki aka iki jawekiakin. Jainoaxki
oxaribia iki. Nete xabaketianki jakiribi
aka iki sotanki. Jainxon oinaronki ika iki
rabe ainbo joi kikinshaman metsashoko
chiaka, jatian ja reyakaki metsairama,
ikaxbi jonin katoti shinan yama, moa
ainbonin keeni, jaa joaxki ikana iki repii.
Jainxonki jaa chiakatonin aka iki –Ishton
jain axonwe papanra noa basitima
yoike– akin.

Jaaronki aka iki jonin pikokainxon jaa
reyakaa iawana ainbo yatankin, jiki kikini
senbiti, jatianki ainbonin aka iki yoikin –
Ninkawe en mia yoinon, oa chiaka riki

mia papan ranxona jaabera mia banetai,
eama riki mibe iti– akin. Jaskabironki
ika iki joni jiki kikini yoshini. Jainoaki
chimaxona iki, jaabiki joni jiki yoshina.
Jainxon oinkanaki moa yantaan, jainxonki
jaa chiakatonin yoia iki –Minra jeneyamai
eara moa kai en papa yoibatanon miki
yoshina– akin. Jaskatananki moa kaa iki
jaa ainbo. Jainxonki ainbonin joni yoia iki
–Ea jenewe miara en potayamai, minra
non papan joi senen ayamake, oa ebe
joo ainbo riki min biti ika. Ikaxbira min ea
jeneyamake, min ochanbira noa inonxiki
mesko jonibo jai, ea riki wisotani ainbo,
jaa joxo ainbora ike inkan bake ja riki min
biti mia ranxona– akin.

Jainoaxki ika iki moa jabe oxai, jatian
yorankasaitianki aka iki, nokon tae
techapain awe– akin. Jaskaxon akaronki
ika iki ainbo tooti. Jainoaxki ishtonbires
too potota iki, moa bakentires ixonronki
aka iki yoikin –Kamentanwe nane bii,





ikaxbi neke naishamawe, jakonax bakebo pikonon- akinki aka iki. Jaaki jonin kaxon ishton nane bia iki, joxon oinaki moa bakena kimisha bake yakata, jaaki nane beketian aka iki jato sikapakekin. Jaa bakeboronki ika iki mesko wetsa joxoshoko, wetsa wisotani.

Jainoaxki jakiribi toota iki. Jainxon yoiribia iki nane bii kati, jaaki ika iki joni kaibiki, mayaxon oinkin. Jainxon oinaronki ika iki jato tsekataan yasankin, wetsa jaskaribi, jaa chinitainoa akaronki ika iki tashkaakekaini mawati. Jatian ainbonin aka iki -Jawetiabira jonexon ea oini,

min ochanbira inonxiki non chini bakebo mawamawati jai, miara moa ochake yoshin bake- akinki aka iki. Jinoaxki ika iki jaa kimishabi mawati.

Jaa basi itironki ika iki jakiribi tooti, jaki winota iki iskon oxe, jainoaxpariki ika iki ainbo bakeni, ikaxbi moa westiorabicho. Jaaki jaskaribia iki janbi nane bitanan moa raskia iki, jawen wetsa yora pikoti kopi. Jaskarainoaxronki noa mawati peokota, itanribi moa bakesi sion iiti joni ocha kopi. Jaskayamani iketianronki noa kikin icha joni ikeana iki.

Bokan maxo tari bichini

Xane Inkaronki ipaonike kikinshaman mesko yobiman kaiya: mankoa, kaimito, xenan, kankan, pocha, isonxoma, naranxa, bata rimon, xankon, tapiriba. Jaaronki ipaonike kikinshaman ani wai, ikaxbi taxbashaman, tsoabi jain katima. Jatianki inkan maxo aka iki jawen wai koiranti yoikin. Jatianki ikatai maxo kikinshaman tari wiso keneya.

Jainxonki inkan maxo yoia iki -Enra mia koiramai, nokon joi senen awe, en yoia yobinboresa min kokoai, tsoabi neno jikimayamawe, enra mia meniai westiora jan xon ati. Jakoma jaweki winotaitian- akin. Jaskaaxonki menia iki rewe jaa sin ati. Jaskaaxonki aka iki westiora xobo wai senenain axonki

jainxon ointi. Jatianki ikatai maxo jain iiti. Yobin jawekiakaskinki jawen ibo yokatai, jatianki inkan menikatitai mesko yobin ikaxbijawetianbi meniyamakaititai pocha. Jainxon kankan kokoaki kikinshaman noe itan inin. Jaskara ixonki maxokan kankanres kokokatitai.

likinki yokata iki, jawekopiki pocha jan kokoti atipanyamaa ixon. Jatianki inkan yoia iki -Jawetianbi jaa yobin kokokasi iamanonxiwe, jara jakoma iki, mintain goitimaxon piamawe miara jakoma poati jatibitian janake- akin. Jaskaketianki akatai maxokan jawetianbi pocha kokoyamakin. Jatianronki ikatai mesko goinabo jaa maxo benai joi, ikaxbiki jato nokomayamakin.



Jaskara iketianronki jatibi yoinabo tsinkikana iki, boka jato kenaa. Bokanki jato yoia iki –Jonibo matonbi onanke non wetsa maxora jakon joni ikatiibi, inkan yobin koirama moa yoashi jikia iki. Moatian ikatai jawekishoko aki bemenkawe aki ikai– akinki jato aka iki. Jatianki riron yoia iki –Jara ikon iki jochi boka, eara katainbake jaa nokonn bakebo jawekiakasi saa ikanaitian, kaxon en yokatara aibake ea yoikin, nokon ibo yokatanwe janra mia meniti jake– akin.

Jatianki mari ikai –Noara jaa xane inka kopi jawekiatinin keyoti yamake, shinanti riki jawekeskaki non maxo akai– ixon. Jaaki ika iki tsanas weniinakainax yoyo iki –Nokon konpara jawe jakomama iki, ja riki inkan yoia joi senen aki, jaskara ikaxra jaa jakomama iki, matonbi jakoma shinanaxra mato itai– iki. Jaskaketianki tsanas yatanxon kikinshaman ocho nii napo potakana iki. Jainxonki shinankana iki ani xeatiaxon maxo kenati. Jaa jain

ikai kaman jatibi yobinbo biti kopi.

Jainxon ani xeatiaxon kenakanabironki maxo kayamaa iki, jawen ibon ranyamaa. Jainki moa boka tsokasa iki jaa jawekiati yamaketian. Jainxonki boka xoya nokoxon yoia iki –Jochi miara merakantima iki, kamentanwe kankan ea bixon– akin. Jatianki xoya kaa iki, kaxon oinabironki ika iki kikinshaman bitikoma jaa mawisyabi bonaki wai katei joyokana.

Jainxonronki aka iki, boka shinanribikin, –Ramara en oxa raoya paranta joshin kokoti boxonai– ixon. Jainxonki boka raana iki kapa, joshin xeatiya oxa rao meskoxon, boxonki kapan yoia iki –Joni nato riki min jochi boka mia bema, mia jakon joni iketian– akinki aka iki. Jaaki aka iki maxokan ichama xeakin. Jaa akaxki oxakaina iki, jishtenxon jisaki moa kimisha kankan yama, ratexonki aka iki, kapa kenakin, jaa yokataki yoia iki

-Bokanra boke en boyamawe akabi, eara kakin yoibainke, mia keshaketianronki en mia ino pimai-akin.

Jainxon oinaronki ika iki inka joi, jatianki maxokan yoia iki kapa -Mibe koshi meananaikeska inon awe, joketianra en yoiai , mia kankan boa meraxon en mia retekasai- akin. Joxonki inkan yokata iki, jawekopiki kapa metai ixon, jatianki ja yoia iki, yometsoketian onaxon aki. Jainxonki inkan kapa yoia iki, moa kati, jakiribi jaskatima. Jainxonki maxo kikiankinrabia iki, jaskaaxonki menia iki joxo shaman chopa teoti, joxoribi jawen sapato.

Moa kimisha nete winota pekaoronki wai oinikaxon jisaronki ika iki,westiora kankan yama. Jainxonki jatibi boabo tsinkia iki, jainxon jato yokata iki, jawekopiki kankan yamaa ixon, jatianki penpenman joxon yoia iki, -Bokanra boke, jaa bonoxonra natobo kikin bata jene jato menike,

jaskarainra bokanke- akin. Jaskaketianki inkan jato aka iki -Maton ochanbira inonxiki jatibitian jiwi tapon kinimeran jone joneti jai- akin.

Jainxonronki inkan yoia iki -tsoarin jaa yometso en onanon, rabe chonka pocha rakanxonwe ibanon jatibitian jakoma poatai iki ikanon pocha piax yora etsei- akinki yoia iki. Jatianki maxokan aka iki pochabo wai kexa tsamankin. Ja tsamanax kaa pekao ika iki boka joi, joxon oinaki pocha kikin joshinshamanbo tsamata. Jaaki aka iki jatoki yoashikin janbicho boxon jonexon kokokin, jawen xakayabiakin. Ja akaxki ika iki oxai. Jishtenaki kikinshaman este itan poto, kikini chixokas. Jainoaxki kaa iki jaimashoko, kaaxki ika iki jiwi tano poyaman yakatax chixoti kikini jash iki oatio torobires, kikinshaman pisi. Jaa chixoti yakakebiron ika iki niwani. Jainki boka kax ika iki jawen chixo ikainkobi



nerakakaini paketi. Jaa chixotax yosmayonanki ika iki jain tarameti janbix jakomayoni. Jainoaxki ika iki jaimashoko wenikaini kai, kaxki kikini oxa. Jaa rateresi jishtenxon oinaronki ika iki kikinshaman jakoma pisi poati. Jainoaxki nashia iki jaabiki toxkoyamai, jatian jaskara baneta iki.

Jainxonki akana iki moa boka tsonbi pataxyamakin. Ja oinax okebain okebain iki. Jainxonki shinana iki –maxokopira ea ike jaskati ramara en kopia– ikiki ika iki. Jainxonki bena iki kikin metsa ainbo. jaaki ikatiai kawankawani. likinki meraa iki xoto ainbo kikinshaman metsa. Jainxonki yoyo aka iki. Jainxonki mashi napo wai axona iki xotokan piti. Jaskaketian ainbonin yokata iki jawekopiki jaskara aka iki ixon. Jatianki yoia iki –nokon jochi epara mion kikini kenai, jan ea rana riki, mia biti– akin. Jaskaxonki aka iki maxo kikiankin rabikin. Jaskaxonki xoto ainbo boa iki. Jawen xobon nokoxon yoia

iki –nokon jochi epa ea marin bintisho boxontanwe abanon mia oinkin– axonki rana iki.

Jaa maxo iitainbironki ika iki ainbo metsa joi, joxonki aka iki –Nato riki min noxan mia bema jaaronki min xeati iki– akinki aka iki. Jatianki maxo ika iki kikini raroi jaa ainbo metsaira oinax. Jainxonki maxokan yokata iki, –Min benerin nokon jochi papa– akin. Jatianki xotokan yoia iki –Jaama ea jawen xobo onamakin bea riki– akin. Jainoaki maxokan yoia iki yamekiri joti.

Jainxonronki aka iki maxokan inka yoikin –lbo eara kenai kimisha kankan, rabe santira, jainoax xankon, nokon titara joa iki ea benai, jaa boxonkasi riki ea, jaixonribi en mia yokatai riki westiora netepari ea teematima, nokon tita betan raenankasi riki ea – akin. Jaskaketianki inkan jeen aka iki –Enra mia jeen akai, wetsa bakishra mia moa joti jake– akin.

Jaa nete xabaketianki joo iki jaa xontako. Joketianki aka iki, yoikin –Eara mibe kai axonki aka iki, jaa inkan menia yobinbo bokin. Kaaxki nokota iki bokon xobonko. Jaa nokoketianki aka iki –Jowe bake mia manaira ea iitai, nato riki en mia ainbo bexona mia wanoomashoko iitaitian– akinki bokan aka iki. Jainxonki mari, jono, ano, shishibo kena iki. Jatian bekanketianki jato yoia iki, nokon noxa boka wanoaitianra en mato kenake– akin jato aka iki.

Jainxonki aka iki bokan jaa ainbo xontako yoikin jaa maxo kikiankin bintisho xeamati. Jaaki ikana iki saa iti, maxo wanomai. Jaa nete xabaketian oinaki kikin maxo paena, moa tsoabi yama. Jainxonki xoto ainbo yoia iki –Ea jawen tari jopemaxonwe, rama riki jaa moa jawen tetiain jikiti, jakoma inkan shinanke en koiraxonbatan jaa jishtenaikaman,

akinki aka iki. Jainoaki bokan maxokan tari sawea iki. Jaskaaxonki jawen tari sawemaa iki. Jaskaatananki boka kax inkaiba nokota iki. Jatianki inkan yoia iki –Miara kikin joi senen akai joni iki ramara en mia tetaibaon koshi imai– axonki aka iki, wetsa xobonko bokin.

Jainoaxki ika iki maxo jishteni. Jainxon oinaki bokan chopa saweya. Jainxonki ainbo yokata iki –Nokon chopakan, min jochi papanra boke mia rama nete tetiain jikiti iwanketian, mia jishtenaikaman ixoni– akin. Jaskaaronki ika iki maxo kikin ishto kai, kaxon oinaki inkapatax yakata. Jainoaki inka kenaa iki, jainxon yoia iki –ja riki maxo, joara jaama iki, nokon chopa sawea, mia parana riki–akin. Jatianki inkan aka iki. Miara jakoma poatai katanwe, ramara mia maxo iki, nato riki boka, nokon mekayao poyanbi keskaakin jakina– akinki aka iki. Jaskataxki maxo kaa iki jawen pisi tariya.



Ochitibo winoni

Ochitboronki ikatiai jawen awin betan potaanayosma, kikinshaman yoyo ikas itan jankosh. Jaa awinki ipaonike jawemabishoko joi ninkakas, tsamaakanainko kax kenakanamabi moa jato patax yakati. Yameki rome jotishini, moa nete xabataitianpari oxai. Jaaki jishtenai moa bari keya. Jawen beneronki ipaonike kikinshaman mecha, mesko yoinabo retexon beai, joxon jawen taka, pokopari yoa axon pai.

Jainoaxki ika iki moa kaiti. Westiora jemaronki ipaonike jatonabiribi. Jainki noiyananax jakana, jaweshoko beax chanitaibo, tsamatsamakin jawekiakai jonibo. Netetibiki benbobo bokatikanai yoina retei. Kaxonki bekanai kikinshaman mesko namiya,

wetsabaonki mananxawe, ikaxbiki akatikanai rekenpari taka, poko, jointi pikin. Jainxonpariki akanai jawen nami pikin ikaxbi aashamayamakin.

litironki chiponkix nokota iki westiora ochiti bakeranon metsa itan soi oraya. Jaa oinaxkayaki ainbobo jaon mawakasesi. Jainxonronki akana iki yanomakin. Jaa ainbo biaxki ikatiai jato betan yomerai kai. Janronki jato axea iki shino reteti. Kachio kaxonki jato yoia iki -Nokon papabaonra akai shino retekini- iki. Jaskaketianki akana iki -noa axeawe- akin.

Jainxonki jato yoia iki -Neteshamanxon shinobo beai ninkanon akanwe, tsoabira sai iamai, ibakanon noki bei- akin. Jainxon oinkanabironki ika iki shinobo bei sion ibetani, jatiribiboki kikin xoin iti onan. Jaaki

ikana iki jato manaon boani. Jainoaki ika iki jaa ochiti bakeranoman pikokawanxon jato sai sai akin. Jaskaxonronki akana iki jatixonbi chibankin. Chibanchibankironki aka iki shinobo maankin.

litironki westiora ochiti ainbo toota iki, jainoaxki bakena iki. Jaa bakeronki ikatiai kikinshaman yoitima. Jaskara ikaxki wetsabobetanbires ochobo kai. Jatianronki ikatiai westiora ochiti bakebicho tootai. Ja ochiti awinronki ikatiai kikinshaman jawen tita ikatiai keska, jatibi jaweki onan, moa tsamakanketian jato napo chankata, jaweki akini moa jatonapo.

Westiora neteronki ika iki, kikinshaman ishto joi jawen titaiba , joxonki yoia iki – Tita kokan awinra jabake jonibetan–akin. Jatianki yoia iki –Jaskarabo keshakasi iamawe, miara jakoma bake iki– akin. Jainoax iwanaxki joribai joxon yoia ransai ikanaibo.


Jaa ochiti bake xontakoronki ika iki,

kikinshaman wishki. Jaskara ixonki aka iki, wanoya joni teamakin, jabeki ikatiai ikaxbi tson onanyama. Jaskara ikaxki ikatiai jabe kachio kai. Jainxonronki kapa joni mera iki. Jatianki ochiti jonin yokata iki, –Joni ea riki icha awinya ikasi min rao onanaki yamaa– akin. Jaskaketianki aka iki –Nenora jake noi rao, jan mia nashimanon miabicho jotanwe – akinki aka iki.

Jaa nete xabaketian ika iki, jaabicho kai. Kaxonki kapa nokoa iki. Jainxonki aka iki kapan nashimakin. Jawen pei riki nenkeshamanbo jaa oinxon onantibires. Jaaki ikatiai moa ainbo jaapekao tsamatani. Jainxonki moa tsoashaman awin aka onantima. Jainxonki kapa benaribia iki, nokoxon yoia iki –Eara moa ainbonin jatsanke ea wetsa raon nashimawe– akin. Jaskaketianki yoia iki – ikonrake bakish jotanwe en mia raonon– akinki aka iki.

Jainoaxki nete xabaketian karibaa iki,





kaketianki aka aiki –Enra mia tonko rao xeamai, jimiabo betan iamanonxiwe-akin. Nato tonko raoki iki basibores ainbo nokoti. Jaskaabironki jaa ochiti xontako benoya ixonbi teamakin. Jainkayaki ika iki chitekonani peokoti, samayamax. Jatian jaabicho ikashaman jato joneshoko raona iki jatibi ikanon ixon. Jainoaxki kachio kaa iki jaa kapa benai, kaxon nokoabiki aka iki yoikin –Miara en benxoati atipayamake, jatibitianra ixonki mato yorani chitekanan chitekanani, itanribi kikinshaman bake ichaya, akin. Jaa tonkotibi bake joniai ikax- akinki aka iki.

Jaskara iiti jaa xontako benoax toota iki, jawen bake pikota iki benbo. Jayaronki ikatia kikinshaman jatianbi jawen papa potayosma, jaono kai jabebi. Joxonki jawen tita jatibishoko yoikin. Jaskaakinki jaa ainboninribi, jawen papa betan ranreskin, jatibi onankaskin.

Westiora neteki kaa iki, jawen pishtan jawen papabetan. Jatianki jawen titan

aka iki yoikin –Bake botanwe mia moa paenketian benon, jaskataxra mia kimisha nete pekaobo joai-akin.

Jaaki jawen papan boa iki. Kaaxki ikana iki ransai, saa iti. Jainxon ochiti bakeranoman oinaronki ika moa jawen papa kikini paena, jainxonki aka iki jawen papa paaxon bekin. Joabironki ika iki kikinshaman yame. Jainxon oinaronki ika iki, jato bebon joe xenakawankatiti. Jainxon oinaki popo yakata, jainxonki yokata iki, –Joni min joenti ea meniwe en mia bakish bexonon- akinki aka iki. Jaskakenbiki aka iki popon yoikin, –enra mia meniyamai, ikaxbi nokon beronkonია bepon mia beskibanon- ixonki aka iki beskikin. Jainxon ochitinin oinaronki ika iki, kikinjishtibires, mesko yoshinbo oinkin. Jaskataxki nokokana iki jawen xobon.

Jainxonki jaa bake ranoman jato yoia iki, –Ea riki popon jawen bero bepoman sikaibata jatibi jaweki yame oinkin, ainbo metsashoko- akinki jato aka iki. Jainxonki

yoikana jato ashokoti. Jaaki jato apakea iki jaa jameki ikana iki axayamai saa ishini

Jainoaxronki ikana iki moa jakomabires jain ainbonin paranan sinati senbo tarameeti, ainbobo jaskaribi, join ianani, joi yokamisi, jawekiatinin paranan iki. Moa tsoabi pitin kenayamai, jatonbicho jawekiai. Jainoaxki ika iki moa jakomabires jema baneti, tsoabi yomerai jaabicho kakashamai, pitin yometsoanani. Jatianki jaa ochiti baken papashokoki ika iki isinaixoko. Jatianki jawen baba aka iki, –Baba ea oa xobi bexonwe eara pokon chexai jaa en nakanon, itanribi matonra ea piti meniamai, maton aka xaoshoko ea bexonkanwe, chini bakebo ochitininra xao piai, ochitininra xobi piai porokan chexaa iki ikanon– iki ika iki. Jaskataxki ochiti yosi mawata iki.


Jainxonronki ochitibaon aka iki ani tetekan bakebo, jawen naakamea bixon pikin, jawen anibo yamakettian. Jainxon

joxon tetekan oinaki ika kik jawen bakebo pikana. Jainoax joxonkayaronki ochiti baken jawen tita yoia iki, –Papanra wata yoranke– akin. Jaskaketianronki aka iki jawen papan yoikin –Ramara en mia kewaxai oin, miapacho ikai jansoi ixonki aka iki, jawen bake maiki potataan kewaxakin, rama jansoyamanoxiwe– akin.

Jaskaxon oinkanabironki ika iki jaskati tetekan kai bei. Jainoa ja westiora ochiti joni jato yoia iki –chini bakebo ochitibora onsa iki ikanon ochitinin akanweeeee, iitananki jojojojo , jojojo, iki, moa jatibi ochitikana. Jaskara ointaananki tetebo joaxbi chitibaini bokana iki. Jainoaki akana iki moa jojo akin, jatoki senbobaini. Jaskara ointaananki tetebo nii oinbaini bokana iki.

Jaskata nete xabaketianronki ika iki westiora joni joi, joxon oinaki jaa jema ikainko ochitibo saa iki, oa bakeboki noibatishoko. Jainoaxki jonin westiora





bake boa iki. Jaa boketianki akana iki
yokakin –Jaweranoaki min ochiti bake
min bea– akin. Jainoaronki akana iki
jonibaon kaxon bikin rabe, wetsabaon
kimishabo bekana iki.

Jainxonki mesko janebo menikana iki:
kepo ino, mesto, joxo bina, mekapo,

pore ino, choin, tamari, chinto, mesere,
bontoix, chope, chaxo ino.

Jakopironki ochitibo kikin onan iki, joni
ipaonix, jaa kewaxainoax moa yoyo
ikasi ikana iki jojoj iresi, kikin mecha ikati
kikinshaman bai onan onan iki, jawen ibo
benoketian icha ochitinin jato pikoa iki.

Janaka joni ini


Joninronki aka iki yomerai kaxon teemexon janaka bake kikin joxoshoko bikin. Jaaki aka iki kikiankin koiranxon bekin, joksetianki jawen awinin aka iki waxmeman kawakin jan xanati kopi. Jaskaaxonki aka iki westiora sintaman nanekin, jawen maposhoko pikoxon. Jaaki aka iki ainbonin kikiankin koiranxon aniakin.

Jainxonronki aka iki joni janakanin namamakin, namaketianki yoia iki –Joni ichabires irake min nokon bake ea bixona jakopi. Ramara mia nokon konpa ikai-akin. Jatianki nekebi jishtenxonki aka iki jawen awin yoikin. Jaskarara en namake ixon yoikin, jainxonki shinankana ibanon nobebi jara non bakekeska ikai ixon.

Jatianronki ikatiai joni jenen kaxon oinaki mesko ani pitibores merakini. Jaa ani piti meraironki ikatiai janakanin konpan menia, jaa ika iki kayanari.

Netenronki ikatiai janaka jaton xobo ochoma joi. Jainxonki kikinshaman jakon kai tsinkikin, jaakayaki janaka baken kaxon jawekiakin. Jaskara iketianki akatiai jonin janaka kikiankin koirankin. Jatianki ika iki moa janaka ani. Jainoaxki joni karibaa iki yomerai, kakin oinaronki ika westiora joniki ian kexa keyakaxon mai pota potai. Jaaki kaxon nokoa iki. Jaskaketianki joni aka iki –Joni jawekiarin mia neno- akin. Jaskaketianki aka iki –lkama mia manai riki ea, mibe yoyo inoxon- akin.





Ninkawe konpa –Ea riki min pano baken papa, jawen titara ramabi joai, nonra mato ichabires irake akai, non bake maton kikiankin koiranxon ania iketian, ikaxbi jaara piti maxkayamai, netetibira non ochomaxon koiranai– akin. Jainxon oinaronki ika iki kikin ainbo metsashoko joi, joketianki aka iki –Joe koma ea riki neno nokon konpa betan yoyo iki– akin.

Jainxonronki yoikana iki, –Moara baritia joai, nenora jake mesko bimi bero, chikiraya, santira, mankoa tama, jaa mia menikasi riki noa, min tenama riki ani mashi jai, jara jain xoxoai, jakopira noa kenai non bake min jain boti, noa jabe iitai kamanra min banai, jaa berobo, nonra mato bichinyamai, moa matoki axea riki– akin. Jainxonki moa yoikana iki, bakish tenamanxon manati.

Jainxonki yoikana iki –Kakinra min xawe boai, jainra non mia rakanxonke– akin. Jaskaketianki jonin kakin oinaronki

ika iki, kikin xawe ani, janbicho naneti jisama. Jaabiki atipayamaketian joxon akinkana iki. Nokoxonki aka iki jawen rayosbo kenakin. Joaxki kikini ratekana iki, xawe beketian. Jainxonki ichaxon bokana iki. Kaxonki jonin jawen awin yoia iki, –Bakish netera bekanai noa bimi jawekibo bexoni, jabaonronki noa axeai joai– akin.

Nete xabaketianki ikana iki mashin kai. Kakin bokana iki jaton janaka bake. Jainxon oinkanaronki ika iki, benbo betan ainbo joi, joxonki oimakana iki santira, mankoa tama, chikiraya bero. Jainxonki axeakana iki, jaskakin banati.

Chikirayara neskara jiwini kiniaxon banati iki, manko tama jaskaribi. Jatian santirara maton machitonin chinixon akai axonki axonkana iki. Maton banai kamanra non bake non ikini kai, ikax totish pekao jikiakainai oinkaronki ika iki, janaka rabe, jaa oinax janaka bake


kaa iki. Jainxonki akana iki chiriya, tama itan santira banakin.

Jainxonki manakana iki. Jainxon oinkana ika iki, jaton janaka bake joi jatoki. Joketianki ainbonin bixon soayona iki. Jaskaxon oinaki ika iki jonicho joi, joxonki jaa benbo yoia iki –Ninkawe konpa, natora min moa iketian min tsekai jaskaxonra min ichama bero benxoakai– akin. Jainxonki yoia iki – Enra mia keshanai jenetianki ani ikai ixon– akin. Moa jakiribi kaxon jisaronki ika iki jawen banabo bimiabo, chirayaki panshinaishamanbo, jawen santira banaki jawen bimibo tipibaina, tamaki moa chorishtires, jaaki aka iki orokin. Jaa oroi itaitianronki joo iki joni kikinshaman yapa bocho. Joxonki yoia iki –Joni nato riki mia min konpan bema, jaaronki min jawekiati iki itan min tashin ati iki, moaronki jene bei pekotai, jatianra moa yapabo yamai– akin.

Jaa yantanpakeronki ika iki, janaka jato pekao keoti, –jene kerakaa, jene kerakaa– iki. Jainxon oinaki jene bei bakox mayapaketi. Jainxonki aka iki jawen jaweki banabo moa tsekakin. Oa santiraboki kikinshaman anibo. Jaa chini akibonki aka iki moa jene bebon mapoaki bain aka paniabo. Jatian joni onanyama ika iki, jawekopiki jaa oxe benama iki ixon, jaamakan moa jene beaitian moa yamake yapa, jaa jawekiati kopi.

Ja moa jene baitianronki ika iki joi westiora joni kexa anichashoko. Joxonki yoia iki – Joni mia jakon joni iketianra ea joke mia keshani. Nato baritianra kikin ani jenetia ikai, min xobo benxoawe, mia jain jentia winonon–akin. Jaskabaikawana yantan pakeki, nato tokorobo keoti saa iki. Jatianki jonin onana iki ikon ani jenetiatai. Jaskaketianronki akana iki shinankin jaa janaka bake jawen anibo meniti, moa jenetia iketian xakobo yamaketian.





Jaskaaxonki akana iki janaka bake rankin manishnapo.

Jaskaketianronki, rarokinronki akana iki, janakanin mari atsopoto yokaxon bexonki. Jenetia napo jaa jawekiakanti. Jainxonki yoia iki –Konpa bakish kawe jene mapoyamai mai ikainko jainra maribo atsaya iki, jain mia atsapotoati axenon– akin. Jaskaaki jawen awin betan bokana iki ani taxba pekao. Kaxon oinkanaronki ika iki, mai keya jenen mapoama. Jainxon oinaki bakeranon joi, joxonki papa tita mato joa akin, jakoankin oinkanaki janaka bakeranon.

Jainxonki jato boa iki, jema maxkoshoko ikainko, kaxon jisaki ainbo atsa xeati tokoni yakata, jawen bakexontako atsa joai, jatian jawen beneki atsa tobani. Jainxonki aka iki mari jonin yoikin – Rekenpari min atsa mexaxon nonti jene bochaxon jain nepotai, jaskaaxon min payotai kaman imai, jainxonra min nebixon chachiai, jainxonra min nabiroaxon jain bochoaxon potsiai jene botiakin, jainxonra min mai kentikan tobanai– akin. Jainxonki akina iki axenon ixon, jaskaxponronki joni atsapoto ati onanike. Jaskara jawekiboronki janakanin jonin akina iki.

Kesha bakebo penpen nii


Kesha ainboronki ipaonike kikinshaman tooyosma. Jaskara ikaxronki ipaonike jawen bene jabichoshoko noibati jaweki aki. Ikaxbiki jaa benbo yoyo iyosma janbiribi iitai, jawetianbi raenanai ointima. Jatianki akatai jawen awinin noibaxon akinkin. Jaskara iitironki ika iki ainbo isini. Jaskaketianronki ian kexa benbo kaa iki rao benai, kakinronki nokoa iki xoya joni. Jaa xoyan yokata iki –Jawe akiki mia onistani iitai joni– akin.

Jaskaketianki yoia iki –Ikama nokon awin chexakati isinaitian rao benai kai riki ea, ochitironki jaa rao onan akin akana benabenabaini riki ea– akin. Jaskaketianki

xoyan aka iki –Jaskati nokon papakaya kikin rao onan yosi, mia jaa oimanan kawe, abanon mi jan menikin, jaara tetai ani xobonko jainoara beai mesko jawekiati– akinki aka iki. Jainxonki boa iki westiora bai kikinshaman jakonibi jakon. Ja moa ochomakin oinaronki ika iki, kikinshaman sontaronin kai, jaa xobo koiranabo.

Jainoaki xoyan yoia iki –nato maikinin kanon kawe janra nokon papa kai, jatianra noa tsonbi jawe ayamai, jaa joyotabora jakoma jonibo iki– akin. Jainoaxki ikana iki mai kinimeran kax oke pikokaini, kaxki nokokana iki jaa jakoinra xobonaman.





Jainxonki jawen papa kena iki. Jaa ninkatax joa iki xoyan ewa, joxonki yoia iki –Tsonki mia nokon tetiain joti yoia, katanwe nokon patoronra jakoma shinanya iki, tsoabi jotinra kenyamai– akin. Jaskaketianki jawen baken aka iki –Ikama nato jonin awin isinaitian mia shinan noa joa riki, mia rao onan iketian– akin.

Jainxonki jato yoia iki –Yantanchara ea kai nokon xobonkoxon ea manatanwe– akin. Jainoaxki beribakan iki. Jainxonki xoyan yoia iki –ramabira joai nenonxobi manawe, min awinra benxoi kai– akin. Jaskaxon oinkanaronki ika iki joi, joxonki aka iki jawen bake yoikin –Jatianbi ea tetainko kakasi iamanonxiwe, jato joniki mia ochaketiankan– akin. Jaskaxonki xesha yokata iki, –Jawekeskati shamanrin min awin– akin. Jaskaketianki aka iki, –Jaa riki jawetianbi isinyosma, bakeayosma ikax, ikaxbira rama isinke, porokanra chexai, mapo mayati, kinani– akin.

Jainxonki xoyan yoia iki –nato xobi riki chexa rao jaara akai ochitinin pikin porokan chexaa. Kaxonra min chakaxon xeamai, jakoma riki noabicho ika, nato non waste xeamatanwe ibanon tooti, mia raronon – akinki aka iki. Jaa bitaananki kaa iki kesha, nokoxon oinaki jawen awin jaabichoshoko porokan chexaa. Jainxonki aka iki, ishtonshaman rao chakaxon xeamakin. Jaa xeamasironki ika iki moa jakontani.

Jainxonki yoia iki –Jan ea rao menia joninra ake nato waste menikin, jaa akaxronki mia tooti iki– akin. Jaskaketianki jawen awinin aka iki –ea xeamawe mia ikai tee minbicho aki noibati noibatiti, mia jan akinti, itan earibi kenai ainbo bake jan ea joa akinti– akin. Jaskaaki jawen benen xakixon xeamaa iki. Jainoaxki ainbo benxoa iki. Jaskara iitiki ika iki jakiribi tooti.

Jainoaxki ika iki ainbo bakeni. Jaa pikotai oinaronki ika kikinshaman chonka bake, pichika ainbo, pichika benbo. Jainki kesha benbo raroa iki. Jaaki moa bakebo anii. Jainoaxki jakiribi ainbo tooribia iki. Jainki pikota iki chonka rabe. Jainronki ika iki kikinshaman icha bakeya. Jatianki moa jaskaashamanxon jato koirantima iketianki xoya benai kaa iki, kaxonbiki nokoyamaa iki.

Jainxonki jato yoia iki jawen bakebo –Matora moa anicha iki, jawekiati benaxon jawekiakanwe eara moa yosishoko iki– akin. Jaton papan jaskakayaronki bokana iki jawekiati benai, jatibi potaananyamai. Yantanpake jawen bakebo joai oinaronki ika iki, kikinshaman jawekiatinin kai bekana, atsa, joshin, pocha, kankan, jaaki aka iki kesha yosin jawekiakin.

Jainoax joaxkayaronki ika iki jaa chinishoko, mesko jaweki akanabo

keshai. Jaskaakin jaweki ramiakana, jaskarabo ikana, jainbo botankana, mesko jonibo nokokana. Jaa nete xabaketianki boribakana iki. Kaxon jaskaribi bekana iki jawekiati icha. Jatianki jatiribibaon jawen papa menikin, wetsabaon ayamakin. Jaskarainronki iki noa jonibo mesko pikoni, wetsa bakebo yoashi, jatiribibo jakon yoashima. Jaa chiniki jatibi keshairibai, jatibi piskobain piskobainkin jaweki yoikin.

Jaska jaskatironnki ikana iki westiora nete beyamai. Jatian jawen anirabekan masa shinankin. Jainxon ninkataronki ikanaki bei saa ibotani, nokotai oinaki kikinshaman ichabaon icha jawekiati bekana. Jainxonki jaton papa yoikana iki –Noara ishton joyamake papa, xoyabaonra noa onamake mesko jawekiati biti. Jakopironki jaabaon wai ayamai moa akanares bikin– akin.



Jainoaxki jakiribi keshai jaa chinishoko.
Jatianki jawen wetsa itan piobaon aka
iki moa notsinki, jatibishokoira keshaitian.

Jainxonki jawen wetsabaon janea iki
-Chini bakebo jainra kesha pabiki joai
iki, ibanon min jane kesha pabiki- akinki
akana iki. Jainki saa ikana iki, jaskaxon
osani, jatianki jaa chinixoko ika iki
-Chiiiishshsh, chiiishshs, chiishshsh- iki,
jatoki sinati xechixeshi iki. Jaskarainoax
pikonironki iki kesha pabiki.


Jaskaketianki jawen papan jato yoia iki
-Jaskarama riki matora iorai chankatai,
ramara mato nea wai akini kai. Jaa riki
chikishbaon shinan, matora jakoma
bain kai itai- akin. Jaskaxon shokores
oinaki moa jawen bakebo yama, jakiribi
borikana.

Jainoaxronki bokana iki ani paranta
wai ikainko. Jaa jawekiabaini bokana iki

santira wainko, tama wai, xeki wai, jatibi
jaa jawekiati akana iki keto tenaman
tsamankin. Jainki ikana iki tsamati,
jawekeskaaxon bokanti iki ixon shinani.
Jatianki wai ibo joa iki jawen paranta
bikasi, joxon jisaki kikinshaman paranta
joshin ibatabo yama jawen santirabo
yama, jawen tama sako yama.

Jainxon ninkataki tenaman jonibo saa
iki. Kaxon oinaki pabiki anitanishoko
tsamakana. Jainxonki joni aka iki jato
sai akin -penpenbora nokon repintian
tsamakeeeeeee, mestaiborikiiiiiii- akin.
Jaskaaronki ika iki penpenman kaiki
noyainabaini, meskokeska jisa. Jato
jaskatananki joni kaa iki.

Jainoaxronki kaa iki jaweti penpen
kachio jaton papan xobonko. Kaaxki
ikana iki jawen xobonkoboki neeti. Jatian
moa basiora beyamakanaitianki aka iki
jawen papan onankin -Nokon bakebora



moa jawekeskake, beyamairarakanaikaitianki ika iki penpen chope chope iki. Jatianki yame jawen papa namamakana iki. Jainxonki yoiakana iki –Papa noara moa mibe iamai, noa riki wai ibon penpenmaa, jawen paranta, santira itan tama keyoketian– akin.

Jaskaketian yamekiri bekana iki jaa ikainko. Joxon oinkanaki wai ani, jainxonki jawen awin yoia iki –Moara ake non bakebo noa keyonankin, ramara non xoboakai jaa paranta texkan ikainko, jaa bii joketian non sinaanon– akin aka iki. Jaskataxronki kesha joni jain baneta iki.



Joni bonsiman yomerati axeani

Bosin joniboronki ipaonike kikinshaman noimis jonibo, jatibi jawekishoko jato akinai, jawetianbi ramiamismabo, kikinshaman mecha, anian kexa jemaya.

Jaskara ikanainbironki ika iki joni samatikai, kaxbiraki inike jaton jemapatax iki. Moa chosko nete ixon ninkataronki ika iki jonibo saa iki. Jaaki jonin ninkaninkakin, jainxon ninkataki bakebo winii, ochitibo jojo iki.

Jainoaxki oxaribaiki, jainxonki aka iki namamakin, namketianki yoia iki – Joni jaweaki mia joara ibirai, mia jain itinainkora onsacha iki, jaa rikon ochitinin bai, miara meraxon

jakomaanake, yamekiri ea manawe mia noiba jonon– akinki aka iki. Jaaki joni jishteinakirana iki. Jainxon shinan shinankin, moa nete xabataitian ninkataki atapa keokeoti. Yamekiriki aka iki jaa shinaananbi warawaskon yapa awana bixon kobiankin.

Jaa kobiaxon pii itaironki ikai joni nontin repitoshiti, joketianki aka iki –Jowe joni, jomenwe pii– akin. Jaskaketianki aka iki –Awe joni enra moa wame pibeiranke, moa rae ea poto iki– akin. Joaxki yakata iki jaa patax jainxonki yokata iki –Jawekeskaaxonki min yapa bia– orira en oinbeiranke yapabo mawati keyotai–akin, jaskaketianki aka iki, –Enra akai warawasko nechianan yapa retexon

pikin, en janshaman ati yamakettian-aronkia iki.

Enra mia bakishpari meraibake -Nokon rayosan kaxon yoia, jainra en joni oinbeiranke papa akettian-akin. Jainxonronki aka ikineskakin -Ninkawejoni en mia yoinon, en mia oinara jakon jaweki aki mia joa iki, ikaxbira mia onsacha bain itinke, nenora shitatai non wiso ochiti, jaara joai pichika nete winomaxbo janra noa koiranke, itanribi min yapa raon axon yoyotaitian. Jakopira ea joke mia bii, kawe nokon xobonko jainxonkaya min akasai jawekibo anon- akinki aka iki.

Jainoaxki kabekona iki. Jaa kai ointaananki ainboya benbo baxexi, jaabi kax jan boaiba nokota, anicha jemaki. Jainxonki ake yoikin -Min non yapa raonxon icha keyokettianra jonibo miki raketai joni, min noa jaskaxon keyonakettian shinanax, ikaxbi masa shinaryamawe minra moa jaskara jawekibo ayamai kai- akinki aka


iki.

Jainxon oinaronki ika iki westiora bakeranon yapa keonya joi. Jokettianki jawen titan biboanxon yapa kobiankin. Jaa kobiankai oinaki pao xakakan, jatianki aka iki, jawen mai kenti bitaananki jonin ainbo menikin, jan yoa ati. Jatianki ika iki kikini ainbo raroi, oa jatiribibo xoikin. Moa wakettianki jato metexon menia iki, jaaki akana iki jawekiakin.

Jainxonki jonin oin oinkin tsoabi jan tsakatioma ikaxbi yapan bekanaittian. Jainxonki jato yokata iki -Chaikonibo jawekeskaaxonki maton yomerai, enra yomerati onanyamake, jakopira en rao nechixon biai, ikaxbira en bawin rera pike- akin. Jaskakettianki bonsiman yoia iki -Mia axeanon kawe joni, mia nobebian kesha yapa chachiax jawekiaki tsamatax yakanon- axonki boa iki.

Rekenpari iwea iki, mawis jonibo benakin, kaaxki mawis jonibaon jeman nokota





iki. Jain kaxonki bonsiman yokata iki – Jochipapa eara mia shinan joke, mi jan yapa biti ichaya iketian, min mishkitshoko shinan– akin.

Jaskaketianki aka iki –lkonrake en mia menibanon minbicho teatanwe, onsa riki nato, minra jato wememanake–akin. Jainoaki yoia iki –Enra tsoabi meniyamai kai, kikiankinra en koirani kai, eara bake ichaya iki– akin. Jainoaki yokata iki –tsoarin nato joni jakoinra tariya itina– akin. Jaskaketianki yoia iki –Jaa riki jonibo, paro joni, kikinshaman nii rao onani joa, eiba nokota riki, kikin jakon shinanya iketian en nokon xobon nokomaa riki– akin.

Jainoaxkijobekona iki, jokinkijonin yokata iki,–Chaikoni oa yosi mankoya ikaki tsoa iki– akin. Jaskaketianki yoia iki –Jaa riki mawisbaon papashoko kikinshaman jatibi mishkitiya, kawe mia ononxon oinmanon ea meniabo– akinki aka iki.

Jainxonki yoiribia iki, wetsa bakishra noa piaya joniboiba kai, jainra min oini kai kikinshaman mecha jonibo– akinki aka iki.

Nokoxonki aka iki westiora pishamea pikopakekin, jainkayaki kikinshaman mesko mishkitibo. Jainxonki yoia iki – Ramara en mia yoiai jaskara yapabo mishkiti– akin.

Jima xeta: –nato riki koshpanparo, tantoyapa, poishin itan berochon biti–akin.

Mawis xeta betan bona xeta: –nato riki tonon, sipan, kesho, ikaxbira jiwi bimin biti iki– akin.

Tawin keni betan nibo xeta: –nato riki kawin, piro, moxobaton, main, koyaparo, picha biti– akin

Xakacharo xeta betan kamox xeta: –nato riki bawin, amakiri, asapa, xawanwaran biti– akin.

Shano xeta: -nato nriki tsisman, make, nosha biti- akin.

Jainxonronki boa iki iaman ja mishkitinin tanamakin. Kaxonki akana iki, jiwu rastomashokobo xatekin, wetsanbires ayamanonxiwe, nato jiwu jane riki mishkiti taxoati- akin. Jainxonronki shinakoxo jawen yoman yokaxon aka iki mayaxon risbiakin. Jainxonki aka iki jaa xetabo nexaxon jaki jiwiki nexakin. Jainxonki akana iki mishkikin, jatibi xetan mishkakana iki. Jainxonki yoia iki -Kawe joni nonra moa ake mishkiti onakin. Jaskaxon ononxiwe min bababo jawekiamakin, mia axeara jakoma iki, minra yapa yoyotai itan mia jaa piax mawati atipanke- akin.


Jainxonki yoia iki jonin -Enpari nokon anibo yapa mishkixon boxonbatanon jawe atiomara ikanai, ramabira ea joi kai- akin. Jaskaketianki aka iki ikonrake en mia iobanon icha yapa bixon min jato

menibeiranon- akinki aka iki. Jainoaxki kabekona iki. Moa jaton xobonko nokoti ochomaki aka iki jainxonbi manati yoikin. Jaskatanankijoni kaa iki. Jaa nokoketianki ikana iki kini rateti, jawekeskaaxonki min jati icha yapa bea bake- akinki akana iki. Jainoaki jawen tita yoia iki, -Ea jaskabo yokayamawe netexon yoa axon piwe mia jaa bexonira ea joke- akin.

Jaskatananaki joni kariba iki. Kaxon jii akaki jainshokobi jii iki. Nokoxonki yoia iki -Kikinira nokon tita rateke jaskara piti en boyosma iketian, ea meskobo yokatainbira en yoiamake- akin. Jasketianki aka iki -Jakon jawekira min ake, mia keshakenbira, non mia manayamakeanke, jaskaribi non bai mia xeponakeanke- akin.

Jainxonki aka iki yoikin -Chaikoni ramara noa kai yapa tsakati onan joniboiba. Jainra min oini kai mesko jonibo yomerati onan- akin. Jainoaxki bokana iki, kimisha





wean pekao. Kakin ninkakanaronki ikai saa iki. Bakebo winii, sai iki. Jainxonki yoia iki –Joni moara noa nokoti kai koshi shinanwe, jawen ibobora non yokati kai-akin. Jaa kaxronki ikana iki iaman pikoti. Jainxon oinaki, jaonobira manxaman kai botani, westiora nexba bocho, jaskaaxon oinaki kimisha joni tari sankenshamanya toxbakana.

Jainxonki aka iki bonsiman jato yoikin, –Noara mecha jonibaon jeman nokokasi joke, nonra jato jawe ayamai, nato joni yomerakasi noibati noibatitaitianra en beke nenonxon axeakanon ixon- akin. Jaskaketianki aka iki ikonrake noara raroi jaskara shinanbo jocketian. Noara ipaonike maton jeman ikaxbo westiora joni yoitimanin, niwe rao chakaxon noa noyamani riki, jaskarainra moa noa paro pikoti atipayamake- akin.

Jainxonki akana iki jaton jemanpari bokin. Kaxonki nokoa iki jawen kaibobo,

jaa oinaxki saa iki. Jainxonki yoikana iki –Ikonrake botanwe ibanon axei- axonki rankana iki. Jainxonki bonsiman boa iki. Kaaxki nokokana iki ani jeman. Jainxonki jonin shinana iki, oa manxan tsama ibataki jawerano iki ixon. Jaskaketianki bonsiman yoia iki –Jaton jema riki nato, ikaxbira moa jonikana iki noa joai ninkatax- akin.

Jainoaxki ikana iki westiora jonin xobon nokoti, kikinshaman ani jonibo itan metsa joxo tari jakoinrayabo. Jainxonki bonsiman yoia iki –Yosi noara joke maton jan yomerai jawekishokobo onankasi, nato joni yomerakasi noibati noibatitaitian, jaa onamakasi- akin.

Jaskaketianki aka iki, yoikin –Ikonrake jowe joni, non jakomashoko piabo mia oimabanon- akin. Jainxonronki aka iki jawen ani kajomamea tsekakin, manxan xeta, tsori xeta, wapawapan xeta, takin xeta, tsonkiro xeta abo xeta, manxanteo

xeta, tetekan tae. Jainxon jonin yokata iki, –
Jawenki maton nexai– akin. Jaskaketianki
aka iki, –Nonra moa yomerakin saweresai
moa akin sene axon non benxoai– akin.
Jainxonki iokana iki iaman kaxonki aka iki
manxan jonin manxanteo xeta sawekin.
Jainxonki nakonakobainkin, jaskakinki
chachia iki ani boe.

Jainxonki bonsin jonin moa beribaa iki.
Joxonki yoia iki, –Joni jati jawekiresa en
mia axemake, rama moa warawasko
teayamawe, minra noayabi keyonake–
akin. Jainoaxki ikatiai jawen tita yapa
bexoni joi. Jainxonronki jonin oina iki
bosin baken tonon ispin jamata ikaxbiki
jabaon oinyamakin. Jatian jonin oinaki
jishtibires chankati. Jaaki aka iki rome
jotitaanan xetan natexon tsekaxonkin.
Jaskara oinxonkayaronki samakana iki
ikaxbi yobetires pikokana iki.

Jainoax joxonronki aka iki joni jato
axeakin, jaskaxon mishkiti, jaskaaxon
tsakati. Jaa aki oinaxki jonibo tsinkiti
axekasi. Jainxonki bakebo axona iki
jan xanbo tsakatibo. Jainxonparironki
jonibaon shina iki kanoti ati. Jaskaxonki
akana iki kanotiakin, jainxonki tanakana
iki.

Jainxonki ninkakana iki iaman yapa
paenai jainki bokana iki jatibi jaton
nontiyabires, jaa akana jawekibo taanai.
Kaxonki tsakakakana iki mesko yapabo.

Jaskara oinaxki ika iki natojoxo manxanbo
tsinkiti. Jatian jaa tsaorironki ika iki jawen
xetan yoashii, moa tsakakanai oinaxki
noyai, jato yapa ibini. Tsonkirokayaronki
kenyambiresa iki jawen xetan
yomekantinin. Jakopironki ikai tsonkiro
noyatan noyatani, yapabo ibini.



Joni mai roniman bikeani

Jonironki kaa iki, ani manaman iso anonxon benai. Kaaxki nokota iki iso ichanko. Jainxonki aka iki chonka iso retekin. Jainoaxki moa joa iki jokinronki aka iki westiora ani jiwi moatian pakeni payo merakini. Jainki jawen isobo rakanoni iki. Jainxonki nishi aki kaa iki, kaxon nishi xokaiki. Joxon aka iki jawen isobo jakoankin axon papikin. Jaya jonoxonki aka iki jawen machitonin jaa jiwi payo tsaxakin. Jaskaaxonki aka iki joshin jene tsiwikin, jaonxonki ratekainxon oina iki.

Jaskataananki moa yantanai ointana isobo papiax joa iki. Jainxon oinaronki ika iki jaa kawana pataxki joax notishiribi. Jainoax karibaiki, joaxki joa iki oricha. Jainoax karibaiki, nokotai oinaki moa

ja rastonkiri nokoti kai. Jainxonki jonin shinan iki, neskaratsi mai ronin yoikanai ixon. Jainxonki jawen isobo tsamana iki.

Jaskaatananki romen xon ika iki, jainxonki aka iki jaimashoko kaxon jaa jiwi paro raston senenain oinkinjawe itimai yakaxon, jaskaxon oinaronki ika iki mari kawani, jaa winokawanaironki aka iki joe kawanai keska ixonki mari jaa jiwi chicho xeakin.

Jainxonki jonin moa onana iki, mai ronin jaa bikasi. Jaaki aka iki jawen jinakiri kaxon romen xon akin. Jatianki jaa jiwi payo iwanaki koshii. Jaabiki xon akin jeneyamakin, jainxonki shinana iki mai ronin nokoax nisakan beshki iti. Jaaki

nisa bitaanan ika iki bexki iki, jainxon romejotiribikin, moa onobo taxkeyamai.

Jainxon oinaronki ika iki waste xoxoa, jaaki bixon naka iki. Jainxon janbi xon akin, jatianki ika iki koshi koshibiki netepaketi. Jaskatananki aka iki ishton jawen iso tenton bitaanan karibai, jaabiki waste tapon nakakin jeneyamakin. Moa ochocha kakenbironki aka iki jakiribi niniai keska. Jaaki jainbiki yakata iki. Jainxon oinaronki ika iki jaa waste bewanaki moa yama, jawen ibon bichina, jainxonkin masa shinana iki.


Jaskaxon oinaronki ika iki roo kawani. Jatianki yoia iki –Joni ea bowe mai ronin riki ea bikasi, moa jaskatashaman katikoma riki ea– akinki aka iki. Jatianki yoia iki –Mia roomabanon jatianra moa mia chibantima iki– akin. Jainxonki aka iki roomakin. Jainxon oinaki ika iki nii jishtibires jan katibo, jaaki joa iki.

Joaxki nokota iki jan jikiwana bain, jain nokoxonki aka iki –Joni nenokamanresa en mia beke, koshin min meken xon awe– akin. Jaa xon akaronki ika iki jakiribi jonii.

Jainxon ninkataronki ika iki kikini riri iki, ani jiwiboki paketi keron iki kikinshaman onsa. Jainxonki jakiribi aka iki rome jotikin. Jainxonki aka iki –Katanwe joni moa ochomaitianra ea joniai, jainxonra en nokon akatonibiribi xon akai, ea ichama min rome nore meniwe nokon kashinponin jotixon beyosaabanon– akin.

Jaa rome menitaananki kaa iki joni jawen bain. Jainxon ninkataronki ika iki jawen ochiti jojo iki, jaaki jabi pontebaina iki. Kaxon aka iki ochiti merakin, jainxonki yoia iki –Jojo iamawe noara onsameran iki, mai ronimanra noa chibanai kawekin.





Jainxon ninkataronki ika iki moa ochoma, jiwibo poxapatanbaini joi. Moa ochomairainronki aka iki joniki bochikixon kenakin. Jaskaxon oinaki nakaxan joni yakata. Jainxonki yoia iki –Neri jowe joni min ochiti jainbi jenewe, jaara ramashokobi inoa jara jawen rake iki, mia jowe ishton neewe– akin.


Jaaki joni netax nakaxa iki. Jainxon oinakanaronki ika iki ani mai ronin nokotoshiti. Jainxonkin jawen jana biribiri akin, moa jonin itsa keyomaa. Jainoaxki ika iki jain rakati, jawen yorakayaki kikinshaman sanken. Jaa shokores oinaronki ika iki westiora joni bakeranonshokoki pikokawani. Jainxonki ino yokata iki, –Joni minki neno joni kai oinyama akin. Jaskaketian inon aka iki enra ayamake jaribi chibani joaxra ea iitai, ikaxbira moa en nokoyamake– akin.

Ja shokores itananki ika iki moa karibai. Jainxonki nakax jonin yoia iki –Katanwe

pekaori naisamawe, jaa bainbi katanwe, nenoaxra moa ochoma iki min iti– akin. Jaaki joni pakexon aka iki jawen isobo papibainkin. Jainxon yoia iki ochiti –ramara min jane iki pore ino, kikin metsashokora mia ike– akin. Jainoax joaxki nokota iki jawen moatian nawe ikainko. Jaabi kaxki nokota iki jawen xobonko. Moa yantanshoko jawen anibo moa masa shinankanaitian.

Jaa yameronki aka iki namamakin. Jainxonki yoia iki –Joni jawetiaki awana min nokon nonti machitonin rerakin, jaskarainra ea sinawanke, nokon nonti kikin benaira mia ramianana– akin. Jaskaketianki aka iki yoikin –Enra onanyamaa iwanke min nonti jain itina, jiwira ibirai ixonra en awanke joni– akin.

Jainxonki aka iki yoikin –Minra awanke nokon kene waste bekin jaaribi min pishanko. Jainoa bixon min bake xontako becheshwe ibanon kikin kene onan



pikoti, koshi shinanya ixon min bia riki,
keyomayamawe, min baba jan min jato
bechxonon –Chini bakebo roniman noa
kene meninira jakoinra iki ikanon– akinki
aka iki.

Jainxonki jonin jawen tita yoia iki –Tita
naton nokon bake ainbo ea bechxonwe,
jaa rikijene waste en beibata, kimisha tapon
banawe, nonronki keyomatina iki, akinra ea
awanke jawen ibon– akinki aka iki.



Manxan bii bokani

Moatinronki ipaokanike chanitax manxantian jawen bake bii boaibo. Jonironki ika iki ani iaman yomerai kai jabichoshoko. Jaa yomera yomerakin ninkataronki ika iki, kikinshaman icha manxan boani ansh, ansh iibaini. Jatianki jonin jaoraaki boai ixon oina iki. Jaskataxronki ani jiwini neexon oina iki. Jaa penixon oinaronki ika iki kikinshaman manxaman kaibires ochomatani maani. Jatianki moa jonin onana iki, natora ochoma iki ixon.

Jainoaxki joni moa joa iki jawen itinko. Joxonki yantan oxe netenki jawen chaibo yoia iki –Enra ake manxaman kai merakini, jawekeskaki iti iki noa wetsa bakish aki bokana – akinki jato aka iki. Jaskaketianki

ika iki jawen rayoski – Botira ikanai bakebo jaabicho kaabira onsa iki, jaskarabora iboya iki, chaira jakomaresnake – akin jato yoia iki.

Jainoaxki bokana iki icha joni, jaton oxati bachiyashokobo, jainbi oxai. Kaxki nokokana iki jaa ochoma. Nokoxonki akana iki jaton peotashokobo, netexabataitian kanonxon. Jainoaxki ikana iki netexabataitian boi, binon nexbobotibi jiwi kawati ax itan binonbi kawati abaini, ani binon nexbabo wino winobaini. Jatianki jawen rayos yosiki rekena iki, janki kakini romen xon abainkin, roniman jato jawe atima kopi.

Jaa ochomakin ninkakanaronki ika iki, jonibo korati. Jainki akana iki

ninkaparikin. Jainxon ninkakanaronki ika iki –Jen nete jonibora beai jakoma yora bishtonra poatai, janxo, jawetianbi raon nachiiismabo ikax– iki. Jatianki yosin jato yoia iki –Natora joneni jonibo iki, jakopira non yora wia xetekanke– akin.

Jaskakenbironki ika iki ronin kikini onsati riri iki. Jainxonki yosin shinana iki – Nennonxonbi ea manakanwe chaikoni noi rao bibanon noa jan sikikanon– akin. Jaskaataananki ika iki yosi niimeran manokaini. Jaa kaa basishokoronki ika iki jakiribi joribai, joai oinkanaki pei besheshoko ikoya joi. Joxonki jato aka iki ichamabo menipakexon jato shaki amakin. Japekaoki jato yoia iki –Rama jan bexki ikax yoranko raskikanwe– akin.

Jaaki ikana iki jatikaxbi jaa yosin yoia keskati. Japekaoki ikana iki netetax yakabaini. Moa basicha ixonronki ninkanaronki ika iki , joniboki boi. Jaa bokana pekaoronki ika iki jakiribi bai boi boi. Kaaxki nokokana


iki ani jiwi bemaya naman. Jainxonki yosin jawen rayos yoia iki jiwin neexon ointi.

Jaskaakijoni neetikaa iki. Bochiki nokoxon oinaronki ika manxanbo tsama ikaxbi keoyamai, yakabainresa, naameran joxobaini. Jaaaki jonin pakexon jato yoia iki, –Kikinshaman icha manxan riki ikaxbi riki tsoabi keoyamai. Jaskaketianki yosin jato yoia iki –Nato joneni jonibaonra jato kekexke jakopira keoyamakanai, noki yoashiira ikanai– akin.

Jainxonronki aka iki yosin jawen rome tian akin. Tian ataananki jatokiriakin xon akin, japekao jaabe kaabo jatibi jato xon apakekin. Jainoaxki ikana iki jaa jiwi namanbipari yakabaini.

Moa basichaa ixonronki aka iki yosin jakiribi rome jotikin. Jatianki jaa rome koin jatoki boi. Jainxonki yosin onana iki moa jatoki raetanikana. Jainoaxki yosi





yoyo ika iki –Nokon kaibo shipibo noara joke maton atapa kai akashoko bikasi, non bababo jawekiakasi saa ikanaitian jato noibataan– iki yoyo ika iki.

Jaskaxon oinkanaronki ika iki, jan kati jisashaman manishma kikin taxbashaman. Jaaki bokana iki jan kati jisashamamn iketian, kaaxki nokokana iki ani xona nexbaki. Jainxon ninkakanaronki ika iki jatianpari nato manxan keoti saa iki, oa pepe iakei. Jainxonki yosin jato yoia iki –Ninkakanwe noara jawen ibobaon yoike jakoanxon jaton yoina ati, ramiareshamakanwe itanribi neteshon akanwe, tsoabi sai iamakanwe, jakomai yoyo iamakanwe– akinki jato aka iki.

Jainxonki akana iki xona jiwini neexon jawen bakebo moa noyatires jiwini tetax apakekin, jaa naman beaiboribiki wetsabaon tetax akin namanxon tsamankin. Jatianki jan jato boa joniki ika iki kikini poikasi, jaa kaxki ika iki westiora

jiwi poxotatonin kawakawakainax poi. Jaa moa iki senenax jokin oinaron iki ika westiora joniki pikotoshiti. Joxonki aka iki yoyo akin –Jowe joni miaki jawe akishoko iitai– akin. Jatianki jonin yoia iki –Ikama non bakebo jawekiakasi saa itaitian non wetsabaon atapa kai akanashoko benai joaxra noa iitai– akin.

Jaskaketianki yoia iki –Ninkawe mia goinon tsoabi neno joyosma ikenbira mato nokoke, koirametaanikanwe, jarake jaton ochiti inaabo kikinshaman sina, matora jabaon ramianake– akinki aka iki. Jatianki jonin yoia iki, –ikonrake joni nokon kaibobo yoibanon, noa jato jakomaaki joama iki, noa riki non bakebo jawekiamati kopi joa– akin.

Jatoibaa nokoxonki jato yoia iki –Jakoanxon jaton atapa anon akanwe, jaa maxkoshoko reteyamakanwe jaabo ibanon anii non wetsabaritian jawen bakebo bii noa jotira jake– akin.

Jatianki maxkaayamaa iki joni yoitima jato betan kaa. Janronki aka iki neino jawen manxan boai oinxon kikiankin jawen pían tsakakin. Jaa tsakaaronki ika iki, kikini tsion ikaini kai, jaskara ointaananki aka iki yosin jato yoikin – Bokanwe moara noa ramike , ramabira jawen kaibobo beai noa ramiaki, bonon bokanwe– akinki jato aka iki. Jainxonronki aka iki, jaton manxan biaxokobo tentoanxon papibeirankin, kikinshaman ishtoki bekana iki. Ikaxbikayaki jivi kawatininbo joti ikaxkayaki ishton jotikoma.

Moa rabe nexba winoxon ninkakanaronki ika iki jonin kai bei saa ibotaani, jato chibani bei. Jatiankayaki jonin jato yoikin –Bokanwe noara chibankanai– akin. Jainxon ninkakanaronki ika iki moa jato ochomabires jato nokoi bei.


Jaskaaxonbiki yosin shinana iki –Eara meraya iki, enpari jato oimabanon ea

kikin koshi joni itan meraya– ikiki ika iki. Jainxonki jato onan (onan riki jima jisa ikaxbi bei papixon boai) imaaa iki. Jaa onanaxki ikana iki jaweki papiyashokobo bain joyoti. Moa jaskaka pekaaronki ika iki jaa neino jonibo tsamatoshiti, joxon benakanabiki tsoabi yama. Jaaki benakana iki, moa merati atipayamaxki ikana iki nekebi neinoi. Jainkayaki neinonin kai tsamati saa iki jaton itsa keyomaax.

Jaaronki ika iki moa jato merati atipayamaxki nato neinobo boribai. Jainxonki yosin jato jonimaaribaa iki, ikaxbiki ja neino tsakaareski moa jonyiyamaa iki, jaa baneta iki onan. Jaskaketianki moa jainbi jenebainkana iki. Jaskataxki joni onana iki.

Jatianki jaa jonin anibaon jato ikoanyama iki, jawen bake onana. Jaskaketianki yosin jawen papa yoia iki, yame nishi xeati, jakoankin onanonxon.





Jaa yantanki akana iki nishi xeakin. Jainxonoinkanaronki ika iki ja neino bake tsakaibata moa mawata. Jaskaketianki jaa nishi paemeran ja bakeranoman papa akana iki kikiankin join akin. Jakon shinanxon non mato atapa meniabi ake maton nokon bake ea retenankin, mia iribati iketianra ea sinake chainoki, jakopira min bake en onan imake- akin.

Jainxonki. Joni yoia iki, ninkame chaikoni, en ayamamabi nokon bake jakoma shinan ixonbira aibake nokon baken min bake pian tsakakin, eara jawe iamai chaikoni, minra moa ake nokon bake

ea retenankin, moa rama noa jenewe-akin. Jaskaketianki wetsa yosin yoia iki -ikonrake joni moara non onanke jaska kopi mato sinata, rama jakonax janon akanwe. Ikaxbi en mia yokabanon jawerin jaa wisoshaman min teowa-akin. Jaskaketianki neino yosin yoia -jaa riki nokon jone pia, janra en eki ramitaibo tsakai- akin.

Jainxonki moa neino rae akana iki. Jainxonki akana iki jonibo yoikin, jaskara kopi moa jonyamai bakeranon onan baneta.

Ichinka jonibo ini

Moatianronki ipaonike jatibi yoinabo mjonibaibo. Westiora jonironki ipaonike ani ian manaon jaa jawen bakebo betan. Moa jatibi jaweki banaya iketianronki ipaokanike kikinshaman mesko jonibo jawen yoa akatonin yobeni boi. Jainxonronki aka iki jonin jawen bake besteti ani xeatiakin. Jainronki tsinkikana iki kikinshaman jonin kai. Jaa joni icha xaranronki ika iki jonibo joxobo, kirinko jisa joi. Jaakayaronki ika iki jaa besteta ainbonin kikini keni, jaon mawakasesi. Jaaki ainbonin oin oinkin. Jainoaxki ikana iki moa kikini paenkana.

Jainxon oinkanaronki ika iki jaa joniki mexo mexoi. Jakiribi oinkanaki moa yama.

Jaa nete xabaketianki ika iki ainbo xontakoki jabichoshoko xawi xatei kai. Kaxon xawi xatei iitainbironki ikai joni joi. Joxonki yoyo aka iki, jainxonki ainbonin yoia iki -enra mia onanyamake tsoara mia ibirai, min ea joxon jaskaakin yoyo ati- akinki aka iki. Jatianki jonin yoia iki - ea riki min besteti ani xeatiain joa iibata- akin.

Jaskaabiki ainbonin aka iki, icha jonira en oinbake jaskarainra en mia onanyamake, eara moa kai- akinki aka iki. Jaskaketianki jonin yoia iki, ikonrake earibira moa kai, bakishbora en mia nokoribai noa yoyo inon - akinki aka iki. Jaskataxki moa kabekona iki. Jaskara iitiki ika iki jawen papan xeki wainkonia xeki xexoshaman



tekei kai, jaashaman misiaxon pinonxon
bii kaa iki.

Jaa xeki tekei itainronki ika iki jaa
joniribiki joi. Joxonki aka iki -en mia
xeki tekexobanon miara ainbo ikax
noibatinake- akinki aka iki. Jatianki,
-ikonrarake, ea axonkayata min ea
axonkasaibetin- akin. Moa xeki tekekin
senen akaxki ikana iki yoyo iki. Jainxonki
aka iki joi senen akin.

Jaa kakinki yoia iki, nenoax kimisha netera
ea joi kai icha namiya- akin. Jatianki
ainbonin shinana iki, abanon bekin en
nokon kaibo betan jawekianon ikiki ika
iki. Jainoaxki ika iki ainboki manamanati
joi yoibata. Jatian icha oxe winoketianki
ika iki moa jaa ainboki jaon shinanbenoti.
Jaskara iitironki ika iki, ainbo tenaman
patsati kai. Jainxon oinaronki ika iki
bonsinki yapa xechankaya winokawani.
Jatianki ainbo ika iki, eriii mia joni ipainon
riki min ea anishaman yapabo bexonon,

en xoishamanxon pinon- akin. Jaskataxki
ainbo shinanbenokaina iki.

Jaskara itainbironki ika iki westiora
nonti kikinshaman wisoshaman
jakoinra keneyanin joni wiso tari joxon
tesereyashaman joi. Jaabiki ainbo jawe
shinaonma, jaaki joa iki. Joxonki aka
iki ainbo nato riki min yokata yapabo ,
atanwe xoixon pikin- axonki aka iki jawen
nonti poinkiain napoxonkin. Jaskaketianki
aka iki ainboninki -enra mia jaskarabo
yokatama iki, tsoabira en ani yapabo
yokatama iki- akin.

Jaskaabironki aka iki -minra ea
yokawanke, rama xoishamanxon
jawekiatanwe akin. Jaa kaapekaaki
ainbonin shinana iki, entsi bonsin
akayawana ixonki shinankin. Jaaki
aka iki koyaparo, asapa itan amakiribo
bokin. Kaketianki aka iki, jawen titan
biboanxonki yapabo potepakexon xoikin
jatiribibo kobiankin.

Jaa nete xabaketianronki yamekirishaman ika iki joniki chanka chankati, wiso tari kene metsairaya. Jaaki ainbonin kaxon nokoa iki -miaki joa- aka iki. Jainxonki jawen aniboiba boa iki, kaxonki jato yoia iki, jan yapa bexoinbata joni. Jatianbiki akana iki, jaa joni bimakin. Jaa bimaiki atsa xeatiabi yapa beibataki yoa axon pikinkin. Jaa jonironki ikatai kikinshaman mecha, mesko yapabo netetibi bekin. Jenen kakinjawen awin yokakin, jaweshamanki pikasai ixon.


Jatianki ika iki moa basi jabe jaa. Jaskara iitibironki ikana iki ani xeatenin kai. Kaaxki ikana iki mashaa iiti. Jaskara iitainbironki ika iki joni joshin tariyaki joxon wexakaskin -minkaya nokon biti ainbo biaxki mia itai , minres jonikon ixon- akinki aka iki. Jaskataitianki ainbo ratekainxon oinaronki ika iki jaa ani xeatinin joxon yoyo ani.

Jaskara winotaxki moa jawen awin betan bekana iki. Joxonki jawen awin yokata iki -tsoaki iwana jaa joni- akinki aka iki. Jatianki ainbonin aka iki jaa joni riki ea bestenontian joxon ea yoyo ani, ikaxbi en ikinama iki- akinki aka iki.

Jaskaakin yoiaronki joninki nishi xea iki. Xeaxonronki aka iki jaa joni yotoxon retekin. Jaakayaronki ichinka jonin papan meraa iki. Jaa ointaananki kikini sinata iki. Jaa nete xabaketianki ika iki ichinka yosi jaton xobo ochoma ani jiwi tano kiniakax jain jai. Jainxon oin oinkin, jainoaxki ikatai keokeoti -Shiiiiii wakewake, shiiii wakewakeeee- iki.

Jaaki ainbo jimia iki. Jaa jimia ikaxbi ika iki, jaa ichinka iiiiiiiinnnn, iiiiiiiinnnn. Itaikiri xanchiaxjisoni. Jaskatai ointaanankayaki iiiiiiiinoxxxx, iiiiiiiinoxxx, iiiiiiiinox iki. Jaskata pekaoki ainbo toota iki. Jaa tooketianki jawen benen kikiankin koirana ikatai. Moa sokota oxe tooya ikaxronki ika iki,





ainbo jimi boani. Ainbokayaki ichinkanin yoshin tooma ikax. Jaabi ikaanaronki ika iki ainbo mawati.


Moa mawata pekaoronki aka iki, jawen anibaon jaton chini bake xontako bimakin mecha iketian. Moa bia pekaoronki aka iki jaa bonsin jonin nishi xearibakin. Jainxon oinaronki ika westiora joni ani joshin tariya itan jinmin tesereya jaa jiwi ikainkonias pikoti, jakoma shinanya jimi tsitsiai yoshin. Jaa ika iki ichinka joni. Jainxon bonsiman onana iki jan jawen awin retea, jimi retemaa.

Jaaki jawen rayos yoia iki, Jain riki westiora joni kikinshama jimi tsitsixon jato reteai, jan retea riki nokon awin- akinki aka iki. Jaskaketianki jawen anibaonki aka iki axo karoakin. Jaskaaxonki akana iki jaa ani jiwi tano nia naman tsamankin. Jaskara kopi ipaokanike jaki bechiax moa jisonyamai.

Jaa nete xabaketianronki akana iki bariapanshamanki axo karo menoki. Jain barikayaki jaa ichinka oxai. Jainxonki akana iki oinkin, jaa chií riri ikaitianki ika iki kikiniki ani apashiro jisa yoina kikinshaman jawen yora joshin pikoti. Pikotaxki jawen kexain jimi baipaketi. Jaa keotakayaki jimi maani, onsa mapo ani. Jaskatax choronabironki ika iki jaa chii napo paketi. Jainkayaki nato sion iki jakomai, jaskaaxonki aka iki ichinka yoshin retekin.

Moa menoyantana kimisha oxo kaxon oinkanaronki ika iki jain jaa ichinka iibatainki westiora jiwi xoxoi. Jaa iki, ronon rao iki ikai. Jakopironki iki jaa rao kikin jakon jimi bechitenti.

Moa jaskara pekaoki ika iki bonsin joni jawen awin betan iiti. Jaskara iitainbironki ika iki joni paenaxki jawen yobe jawekibo pikoi, jato retekasi. Jaskaketianronki nete



xabaketian, jaa ainbonin anibaon aka iki yoikin jaskara itima. Jaskara yoikana rabinkainiki jato yoiaxmabiki rabinkaini kaa iki.

Jaskaketianki jawen rayos benbo jaa benai kaa iki ian pekao ani nexba ikainko. Jain konoxonki aka iki toxbaxon bena benakin. Jaa jain itaitianronki ika iki westiora yosi joni joi. Joxonki aka iki, joni miarin nokon baken rayos- akin. Jaskaketianki aka iki, ea riki jaa benai joaxra ea itai- akin. Jaskaketianki yoia iki, -ikonrake, minra ake nokon bake noikin, ikaxbira nokon bake jakoma shinanra iki, matokopira iki icha baritia nokon bake jakon shinaya jai, ikaxbi moa jawen jakoma shinaman ayorara nokon bake moa tsokaskasai, moa min bake bimayamawe, miara janbi retenanake- akin.

Jatianki yosin yoia iki jaa riki kikin jakon nokon rayos, kikinshaman mecha jakishoko noa manatai jaa yomerai kaketian, eara moa yosishoko iki, jawen rayos ainbo jaa shinani winiwinioraitianra ea joke jaa benai- akin. Jaskaketian aka iki -ramabira nokon bake jakoma rakake jawe jawekiatima. Jaskara kopira en moa ranyamai, ikaxbi en mia menibanon nokon mecha wastebo, jan min bakebo kaxon jato raonon, abakanon jawen tita yomeraxon jawekiamakin- akin.

Jaskaaxonki menia iki mecha waste -natonra min kaxon jato yantan bechexai, jara nete intiro samakanai jawekiayamakin, minra jato beti jake nato iaman, enra mato meni kai jaa yapabo maton tsakati- akinki aka iki, Jaskaaxonki jonin mecha waste bia iki.



Xakacharon xoke Kenatexni

Moatianronki ipaonike xokeki paron Mpakexon onpax xeai, jiwi poyaman peyakax keoti metsametsati.

Jatianribiki jonibo jatobicho yakakana, ochobo jakana. Jainxonkayaronki jonin ani xeatiakin peonike. Jain kati kopikayaronki akana iki mesko noyai yoinabaon pei bikin peokin. Jaa maitiain machankanti. Jaskara kopiki iki mesko raniyabo maitibo ikataiai. Jainxonkayaronki oinkana iki xoke rani kikinshaman metsa. Jaskara iketianki xoke rani bikin peokanike, netetibi retekin. Moa ichaira jaskaakanaronki ika iki xokebo moa kachio boi peokoti, tson jato meratimain.

Pitsokeskaribiron ipaonike nato xokebo, kikinshaman icha niabo. Jaskarainoax moa icha niamakana iki. Rama iki xoke rabe niaires.

Jaa moa ocho boaxkayaronki bokatikanai ani ian iamax weamanbo onpax xeai, ikaxbi moa rakeyabi.

Jainxonkayaki xoken xakacharo onana iki. Jatianki xakacharon yoia iki –joni miara en akai jatibitian nokon paron onpax xeai joai oinkin– akin. Jatianki xoken yoia iki – ikama joni, eara ikataiai ani paron jene xeai kai, ikaxbira paro ibobaon jaton onpaxan paranan nokon kaibo keyoaitianra noa jabati bekana iki– akin.

Jatianki xakacharon yoia iki –Jaskara iketianra en mia yoiai neno joxon onpax xeakanwe matonra akai non jemabo keokin metsa onis ima imashamankin– akinki aka iki.

Jaskara iikinronki aka iki, xakacharon xoke yoikin –Joni ia metsaira iketian itan mia kina ati onan iken mia nokon bake chokamasi riki ea– akinki aka iki. Jatianki xoken osantaanan yoia iki – lkonrake enra mia jen akai, jawetani mia meninonxomabi– akinki aka iki.

Jaskaaxonronki aka iki ani wean jene bexnanshama ikainkoxonki jawen bake benbo binshinshokoki chokamakin. Jainxonki kikin akin noiaya ikatiai jawen konpa. Jatibi mesko nisashokoboki jenenko maaxonkin. Jatianki xakacharon akatiai mesko yobinbo ishton joshimaxonkin jaa jawekiati.


Jainoaxki xakacharo bake ania iki. Moa ani ixonki akatiai jabe bakebo ian kexa

mapeekinxon jato raenankinkin. Jatianki jawen ibo papan kikiankin jato koirankin. Tsinitsiniwanaxki ikatikanai boi. Jaskara iitironki ika iki, jaa xakacharo bakeranonki jawen ibo papaiba kai. Kaketianki xoke bakeranonbaonki aka iki atsa xeatinin paen akin. Jaskarakayaronki jawen ibo papan rankashamaabi kaa iki. Jatian jawen ibo papan chibanyama iki moa jaaribi paena ixon. Jaakayaronki ian kexa moa paeman binsina kax rakata iki.

Jaa jain rakaketianronki aka iki nato ariwanin nochora ibirai ixon jawen mentsisanbi yatantaanan ocho boxon pikin. Jatianki moa rabe nete joyamaketianki xakacharo yosi kaa iki jawen konpaiba. Kaxonki yokata iki, –nokon bake moa boira ea joke konpa moa rabe neteira miiba iketian– akinki aka iki.

Jatianki xoke kikini rateta iki. Jainxonki yoia iki– Konpa nokon panora moa





kaibake, en rankashamabira kaibake
-akinki aka iki. Jatian xakacharo yosin
shinana iki, moa xokebaon jawen bake
retekana. Jaskaatananki ika iki -lkonrake
konpa mia jaares yokati joaxra ea itai,
jaonomaki jaweintain kaamaki ikayai en
benabatanon- akinki aka iki.

Jaskaxonronki xakacharonin jawen kaibo
yoia iki -Nokon bakera xoke jonibaon ea
retenanke, non jakoanxon jato onpax
menimeniabi, ramara en jato kopiai- ika
iki. Jainxonki jawen konpa sotana iki,
jatian onpax xea joaibo onankaskin.

Jaskara iikinronki ika iki jawen konpan
bake ainbo onpax bianan xei joo
jaa onpax xei yakamaxonronki aka
iki jawen xetaki pooo arikin natexkin.
Wetsankobo akasabi sion inaketian.
Jainxonki jeneki potaxon jene retema
iki, jaaki maken pia iki. Jainxonki xoken
jawen bake benaa iki yama. Jaa
benabenakinronki meraa iki jawen rani

iaman toxbata. Jainxonki shinan iki
-Konpanra nokon bake reteke enrajawen
bakebira reteke- ixonki shinana iki. Jaa
ian kexa benabenakin oinaronki ika iki
xakacharoboki kikinshamantsamajokoni.
Jaaki ika iki noyakaini kaxonki oin oinkin,
jaaki tsaorinin aka iki, kenakin -Jawerin
joni, miara xakacharobaon natexkanake,
oinxon onpax xea-we-akinki aka iki.

Kaxonki jawen kaibobo yoia iki, moa
ianman itan weaman moa onpax xei
katima, xakacharobo jatoki sinata
akin. Jainoaxki ikana iki winii saa iki.
Jainxonkayaki winianan oi kenakana iki
onpax xea-kaskin, jaa jato onis atanan oi
bexon jato xeamaa iki.

Jainxonki nochon xoke kenama iki
tsion betan. Jatianki xoke oa iki nocho
benai, jokexianki yoia iki -joni iamarai
mato onpax xea-kasi noibatiti noibatiti
en mia jakon jaweki menibanon, ea
iki jawetianbi oi bemakasi sion iosma.

Jatianki oi beai, jatian akai en xeakin-akin. Jaskaxonki aka iki bokin westiora ian maxkoshoko ikainko. Jatianki onana iki jaa xoke raketai -Jainxonki yoia iki, ikibichora mia joke iaman, ikaxbira xakacharobo en moa oxana iki, tsoabira mia benai beyamakanai-akin.

Jaskaxonki aka iki jawen chomo kepentaanan onpax kikin bexnanshaman bitaanan xeamakin -nato riki nokon nomi tene jene, jaa xeapekaora mia ishton nomiyamanonxiki, jawetianki oi beai jatian atiki iki min onpax xeakin. Jaskatax jaa riki ea-akin. Ja xeamaronki inike jawen nomi shinan keyokaini. Jaskaxonki

yokata iki -joni minki ea westiora chomo menitima iki, en jaa kaxon nokon akeo xeamanon-akin. Jaskaketianki menia iki wetiora chomo nomi tene jene.

Kaxonki jawen bakebo xeamapakea iki, nomi tene jene. Jainxon jawen kaibo tsinkia iki. Jainxonki jatixonbi xeakana iki, ikaxbiki ika iki westiora xoke yosiki kikin kenyamai, ikoanyamakin, janki xeayamaa iki. Jaskaketianki yoikana iki -xeakasi ono wao itaira non mia ninkashamai akin. Jaskara kopironki iki jaa yosi jaskaniketian xoke oin bemaksi keoti. Yosin ocha.



Choyachakin omisha ani

Jonironki ika iki chachio kai, yoina retenonxon benai. Kaaxki nokota iki ani manaman. Jainxonki aka iki isoko pian tsakaxon retepakekin. Jaskara jakon ikenbironbki aka iki inon bikasai oinxonki jawen tooati pishakin, jaskati niibi natsabaintiakin, yoinaboki kikini tsaani iki. Jainxon shokores ninkataronki ika iki nato ani niwe paketi nete yamekirani. Jaaki joni ika iki jawen iso papitaananki jaa joana bainribi joi. Joabironki ika iki moa neribo onantima. Jainxonki jonin shinana iki, –Eara benonake enpari winomabanon jiwin neexon– iki.

Jainoaxki neeta iki westiora ani xonakan, jawen poyan techapabo icha iketian. Jainxon ninkatabi kikinshaman oi beimabi

onsati tirin iki. Jaabiki ika iki jenejenepaketi. Ikaxbiki ika moa kikinshaman yantan. Jaskara iketianki ika iki jainbi iakei. Jainxonki xona poyanshoko bixon akax rakashini.

Moa nete xabaketianki ika iki naman paketi. Jainxon oinabironki ika iki, kikinshaman moa janshaman onantima kati. Jaabiki aka iki bari oinkin, jainxonki shinana iki, bari kaikiri jawen xobo. Jaaki oinparia iki jaa bari keyatai, ikaxbironki ika iki jawen shinan moa jakoma, mapon chexakin. Jaaki aka iki nishi jenesoko xatetaanan xeakin, moakayaki jawekiakasi, moa rabe nete jawekiama ikax.

Jainxonki shinana iki moa benota. Jainoaxki moa taxkeyamaa iki. Jaskara ixonki aka iki jainxonbi jawekibo ninka ninkakin. Jainxonki shinana iki –Eara moa kati jake– ixon. Jainoaxki moa xonakameax ipakea iki. Jaabiki jawen iso reteabo potaama. Jainoaxki ika iki jakiribi bari tanai kai, kaabiki kikinshaman onantima. Jaa kakin ninkataki ika iki jaa ochomachaaki tanpora iki metsametsati. Jainxonki shinana iki, –Ea benai bekana riki– ixon. Jaaki kaa iki jatobi pontebaini. Jainxon oinabironki ika iki kikinshaman jishtima, moa ocho oinyamakin. Jainxon ninkataki ika iki kikinshaman moa ochomabires.

Jaa ochomakainxon ninkataronki ika iki, jonibo saa iki, jejeje ikibo. Jaaki ani jiji pekaixonki aka iki jato oinkin. Jaskati mesko joniboki nisa ratsamayaboki ani jiji naman ransai, jaa jiwinkoki mesko yobinbo rontankana. Jatian kina akaiki kebo kikin metsametsashamani. Jaa

tanpora akaiki boin torrrr tonton, torrrr tonrron iki.

Xawankayaki kinkishaman jankosh ikaxki jeeee iki nii natsabain natsabainkin, oa neinoboki jato koirani iiakebaina. Jaskati, kapakayaki kashkara kashkara iki osani namenameshamani. Oa inoboki reteanankasibiribi onsati, jaton xeta wexati joxoshman pikoax rabiti.

Joxo shinokayaki kikinshaman ainbo oinboan oinboankin, jato shiroaibiribi, tsokas, ainbo oinax bexni bexni iki. Ikaxbi jawen awin oinkanaitian kikini sinati. Jatian abokomaki jakoinra joxo boo manxanya, maekawaki jaton awin baweya mashaa iishamani, kikiankin jaton awin noiyabo.

Jaskaxon oinaki ika iki Choyachakiki rao ayonkana. Jaskaxon jakoinra jiwinko peyasankana kikinshaman metsa, jatibi isa peinbo jawen maiti akana. Jaskakenbironki aka iki westioraninki



merakin –Oin oa joni chankata. Jatianki choyachakinki aka iki –neri bekanwe, jawe kenirin– akin. Jaaki joni bokana iki. Jatian yokakana iki, jawe kenirin ixon. Jaskaketianki jato yoia iki –Eara joke mato raroi itaitian maton jaa jawekiati bexoni, mato betan raroanan jawekianonxon– akin. Jatianki kikini saa ikana iki, raroi.

Jaskaketianki akana iki jatibi yobin jawekiamakin. Jainxonki xeamakana iki xexon joshin motsa. Janki paenkana iki. Jainoaxki ika iki jato betan iibaiti, jaaribiki ransaransai. Jatian jan oinakayaki kikinshman jema joxokaina metsa. Jaskaraki winota iki chonka nete.

Jainxonronki oina iki, meskokanaibo, masha iki, ransai, bewai, rokarokaboki joyotax mashaa iki, manxanboki sasasashamani, jaton maiti joxoshaman. Jatian xaebiribiki janbiribi iiti, nii yosmaatani. Jaa ikanaibironki ika iki, roo koraka nokoti. Jaa joaitianronki akana iki

kikiankin toroxon biikin. Jatixonbiki jowe epa, jowe koka, jowe chai, jowe wetsa, jowe noxa, jowe jomo, jowe joni, jowe koraka– akin. Jaakayaki kikiankin manakana iitai. Jainoaxronki ika iki roo masha iki peokoti. Jaskati kikinshaman metsatibi metsa. Jaa ikaitiankayaki oa jatibi yoinabo saa iki raroi, oa biannabotani, masha iki.

Jaa mashaa ikinbironki aka iki, joni merakin. Yakaxon jato oin oinnaitian. Jaskataxki ika iki –Apo nokon kaibo neno ikenbiki ea iitaipanon– iki. Jaskaaxonki aka iki joni, –miaki jan rome jotitioma iki–akin. Jatianki jonin shinainabeirana iki, jawen ani kashinpo pishan boibata, –jarake joni, en mia benibanon– akinki aka iki. Jainxon meniaronki aka iki jotikin pexpex akin. Jaskataananki bewai metsa. Jaskaketianki aka iki jonin yoikin –jaa biwe mia jaya banenon– akin. Jaakayaronki paenxon jawen awin aka iki yoikin –minra rama nokon kashinpo benxoi– akinki aka iki. Jainoaxronki baneta iki jawen jane kashinpo.

Jainxonron iki aka iki choyachakin yoikin
-mia shinanira min kaibobo winiwiniorai,
kawe chaikoni mia bonon, min kaibobora
noibatitai, kaxon jato yoitanwe benotara
ea iitain- akin. Jaskaaxon kakin yoinabo
katomaxon reteretebainkin. Jainxon
oinaronki ika kikinshaman ocho kaa. Jaa
kakinki aka iki -mia oinaxra min kaibobo
kikini raroi bokanai, nato yoinashoko
min boaira en mia ika ochoma bokinai,
jainoara min kaibobo bexon min jato
bimai, miara moa paxnayona- iki.


Kaanaronki nokokana iki manan tenaman
moa teshanpa ikainko. Jainxonki yoia iki
-Chaikoni moara noa nokotai koshiakin
shinanwe, winiyamatanwe, miara roo
yosi jisa keonake aninbires sion iiti-
akinki aka iki. Jainxonki yoia iki -nato
bonko pekao riki min wai, jaa min bainbi
katanwe- akinki aka iki. Jaa moa kai
ointaanaronki ika iki choyachaki sai iki
-Jeeee ea bii bekanweeee- iki. Jaa jonin
joi jisashaman mawai.

Sai iketianronki ika iki jawen titaki
-ninkawe nokon baken joi
keskashamanra kachio sai ikai- iki,
jainxonki jakoankin ninkataronki ika
iki. Jawen baken sai ika joi. Jatianronki
ikana iki jonibo saa iki -jonira pikoke-
iki. Jatianki jawen awinki moa bachin
maxkoroyonxon bachin yasankana. Jaa
ainboki bachimaibaini sion iki -en bene,
en bene- iki kinini ishtoi kai.

Kaxon oinkanaronki ika iki, jawen wai
senenain pishpetan pishpetan iiti rakata.
Jaa orishokoki jawen yoina reteabo.
Jaaki bokana iki, kaxonki aka iki, onpax
xeamaxon, xobo chipan itan bokon pei
bixon bekoin akin. Janribi naxeyokin.
Jaskaaxonki akana iki jawen moxa jama
itan moa biikan piabo xena tsekaxonki.
Jainxonki aka iki raon nashimankin.
Jaskaaxonronki akana iki jawen bachin
rakankin, kikini oxai iibaiti.

Nete xabaketianronki jawen titan
yamekiri aka iki jakiribi poakin.





Jaskaaxonki jakoankin jawekiamakana iki. Ikaxbironki ika iki moa beyoshinatani. Jaa poapoakinki jawen titan benxoa iki.

Jainxonronki jato yoia iki –enra ichabires irake akin akai nii ibo joni, janra ake ea noibaxon pikokin, jato betanra ea ike. Jainra en oinke jaskaakin ani pishta akanai, ea atsa xeatiaxonwe tita, en jato rarokinin–akin. Jaskaketianki jawen titan aka iki atsa xeatiakin. Moa paeketianki jonin jato chania iki, jawen onana jonibo itan jawen rarebo, jaa neteronki aka iki jato yoikin–ramara non panan bii bokanai, atsa xeatiaxon jaa pae xeayanan–akin, jaskaxonki bikana iki. Jainxonki akana iki mesko yobinbo paninkin, jaa nichinaxki ransai saa iiti, jawekiananbi.

Jainxonronki joni namameran choyachakin yoia iki –joni minra minbi omisha rerai, jaskaatima riki, minra benati jake westiora joni jan omisha rerai. Min oinbake en roo benaa jan jato

ikinxon omisha reramati. Ikaxbira min chonkaakin atijake, wetsa oxebiresra min ati yamake, jaara min aki kai xenanbo satanaitian, jatianra yobin icha iki–akin.

Ja jishtenxonki jonin shinana iki, ramara en wetsa jenetian akin nokon chai en benai, janea omisha reraxonti ixonki shinana iki. Jainxonki aka iki moa baritia napo yoina bake bikin jaa anianonxon. Ja moa aniai senenshamanki ika iki xenanbo moa satani peokotti. Moa xenanbo satanai ointananki jonin jawen chai yoia iki –chai, miashaman nokon omisha reramakasi riki ea , jakopira en mia yoia, mia benxokanon ixon–akin.

Jatian jaa nete senenketiaanki aka iki jawen chai benabainxon jawen xobomea bekin. Bexonki aka iki texo bimi teomakin, jawen poiki teomaa iki sio. Jaskaaxonki panan bixon mesko jawekibo rontanxon akana iki nichinkin.

Mananxawen ino Koshi tanani


I no jonironki ika iki isabaon pishtan kai. Kaxonronki oina iki meskokeska yoinabo. Jakiki ikana iki kikini raketi, tsonbiki yoyo akashamakin, sina itan pimis onanxon. Jatianki inon oina ika iki mananxawe yama. Jainoaxki benai kaa iki, kaxonki nokoa iki ishtomashoko joai. Jatianki yokata iki – jawerano kairin mia chaikoni– akin. Jatianki mananxawen yoia iki, –pishtan kai riki ea miaki katima iki– akin.

Jatianki inon shinana iki, ramara ea jabe kai ixon. Jatianra isabaon itan wetsa yoinabaon shinanti iki ea jakon joni ixon. Jaskaaxonki yoia iki –ikonrake chaikoni, ea mibe kabanon noa senen nokonon– akin.

Jainxon inon oinabiki ika iki ishton jaa nokoti jisama. Jainxonki goiribaa iki, –

chaikoni noa ishtonchaa nokonon en mia bobanon, non wetsa chaikonibaon pishta keyotamabi, noa ransai kanon–akin. Jatian mananxawen jeen aka iki, jainoaki inon jawen pekain kayasantaanan nishin nexeti yoia iki. Jaskaketian mananxawe nexeta iki. Jainoax ino kikini ishtoa iki, jaa ishto kaiki mananxawe wis ikaini, yoyo ikaini, –nokon noya nonti, nokon noya nonti, biribirishamani brirshamani, Inon Sina chaiko, Inon Sina chaikoooo– iikaini.

Moa nokoti ochomashokoki inon yoia iki, paketax main kati. Jatianki inon reken axon boa iki, kaaxki nokokana iki. Jaa noko tai ointaananki wetsa yoinabo kikini rateta iki. Jatiankayaki mananxawe kikini rabiti, sina joni betan nokotax. Jainoaki ikana iki



ransashini. Inokayaki ikonbiresi ransai, jato jakon shinamakasi. Moa nete xabaketianki ika iki, wetsa yoinabo yama, jaa rabebecho banebekona. Nato inokayaki kikini pikasi jishtena, wetsa yoinabo paenax rakata itibetin ixon oinabiki tsoabi yama, jaki raketni paenyamax bokana.

Jainxon oinaki jawen chaikonibicho moa kai, jainoaki yokata iki –moaki mia kai chaokoni– akin. Jatianki yoia iki –moa kaira ea iitai min tsabekonira en jawe atioma potaibake– akin. Jaskaketianki yoia iki –mibe yoyo ikasi riki ea, ikonki mia koshi yoikanai ixon min koshi tanakasi riki ea– akin. Jatianki mananxawen yoia iki, –miara ebe senenyamake eara kikin koshi itan join tene iki, nokon koshi riki jene chicho, ea jenemeran kaketianra ika kikini saman tarameti– aka iki. Jatianki inon yoia iki –nokonara jaa jawemabi iki, eara mibeshaman tsinikasai– akin.

Jainoaxki bokana iki westiora ani toro shonkitai manaon. Jainxonki

yoia iki mananxawen –nato nishi riki mananxanwen tapiti nishi– akin. Jainxonki Ino chinexa iki, jaskaaxonki yoia iki –moa chinexeexonra en nishi ten ten aki kai, jaara min onanai koshi tanaanai– akin. Jaskaataananki jaa kaa iki jene chicho, nokoxonki ishtonshaman jaa ani ronin nerakaa nexaa iki. Jainki aka iki moa nishi ten ten akin.

Jaaki inon akaa iki kikiankin ninikin, moa pikoti jokinbiki jakiribi boribakin, nato inoki jakiribi chitimapakebainkin, kaax jainchoribi ronin nerakai. Moa chonkakin ronin niniaxronki ika iki ino kikini paxkini, kikinshaman koshi. Jainoaxki moa ino yosmai peokoti. Jaa ronin betan koshi meanani ikanaitianronki aka iki mananxaweninki jato okeshoko pikoxon oin oinkin. Jainxon jakiribi niniaxronki ika iki noa ino jakoma kikiankin nishin pitserere aka. Jainoaxki mananxawen kaxon aka iki ronin chorotaananki kaxon ani jiji nenitaki nexakin, jatiankayaki inon noa niniamabobikin.

Jainoaxki mananxawe pikota iki, joxon ino oinaki moa bero pikotires. Jaaki yokata iki –chaikoni, miaki jakontani iki– akin. Jaabikayaki ino jakoma tenei rakata moa atipanyamaa. Jainxonki yoia iki –chaikoni, minra ea atipayamake, moa jenenon awe–akin. Jaskaaxonki aka iki jain potabainkin. Moa kimisha nete joxon oinaki ika iki moa ino pitsere ikax mawata. Jainxonki aka iki jawen kaibobo kenaxon yoikin, moa jaton chaikoni mawata.

Jainxonronki akana iki manishan mapokin, poinkoskon pinaketian. Jainxonki moa ranpischika iketian pikana iki.

Jainxonronki aka iki roniman jawen nishi xeameran merakini, kikini jaki koshixon manaxawenin ino retea. Jainxonki, xawe roniman kenamaa iki. Jaa kaketiyaniki yoia iki moa mananxawe jawetianbi jenemeran katima.

Jainxonki yoikana iki mari jato atsa xeati axonti. Jatianki jawen kaibobo tsinkixon atsa cheti axon tokoniki jaton

tamobicho biribiri iki. Jaskaaxon poish akin, karin meskobokin. Moa senen axonki akana iki jato yoikin –bakishra moa kikin pae ikai, anonxakanwe jaa jakomabishoko xeakin, matora ibirati iki paeni, tokonkomaisi riki– akin.

Jatian mananxawe baonbiribi aka iki, ani pishta raroti. Jainki bekana iki mesko yoinabo. Jatian inobo moa raketi beyamakana iki. Jainxonki chaxon aka iki, jaa koshimeana kenakin. Jainxonki yoia iki –ramara min jane iki chax itanan biribiri iki jenemeran ikai– akin. Jaskarainoaxki pikota iki chaxbiro. Jan koshi metakayaki kikiankin rabikanai, jato napon masha ishamani.

Jainkayaronki shipi kikini paenax netea oinkana ika iki jawen kexain atsa xeati keseroya, jawen keninkobi joxoa. Jaabiki jatiribibo masha iiresi, ikaxbi kikin koirameya. Jan koiranaiboki ika iki nii ochitibo, jabaonki xeayamakin.



Mananxawen chaxo ishto tanani

Mananxawenin xexon joshin kokonoxon benai kakin ninkataronki ika iki, chaxobo osani saa irikatiti. Jaaki ochomakin ninkataki, jato yoi tsamakana itanribi jatoki shiroxon osani, kikin ishtoma iketian. Jaskara ninkaxonki jawen kaibobo tsinkixon yoia iki, -chaxobora noki shiroxon osani iikanai, jatonres ishto ikax- akin.

Jainxonki shinankana iki chaxo benati. Jatianki jatibiain janbiskana iki, ikaxbiki ika iki ishton meratima. Westsatianki moa winokainares oinkanai. Jaabiki akana iki benabenakin. Moa merati atipayamaxki ikana iki tsinkixon jatoki shiroxon osani saa irikati. Jaaki marin ninkata iki. Jainxon jakoankin ninkataronki ikana iki

kikini chaxoki shiroxon osani saa irikatiti. Westioraninki yoia iki -Nato chaxobo riki kikinshaman ishtomanin reteai tsoameinra iti iki chaxo ikasi itanribi kikinshaman tae anitanima itan ishto ishtoi tarisbiona- ixon osaniki tsamakana.

Jaa ninkataanaronki marin benabenakin meraxon yoia iki -Metsa Koshi mia benabenakinra en mia nokoke, mia joishoko goinonxon, jomenwe atsa xeatishoko xeai- akin. Jatian chaxon jen aka iki. Jaskataxki kax yakata iki. Jainoaki marin awinin atsa xeati xeama iki. Jainxonki marin yoia iki -mia joishoko goinonxonra en mia ichaakin benake ikaxbi en mia ishton nokoti atiyamaa iki- akin, ¿jaweshokorin?, -oinon ea yoita-,

jaskaketianki yoia iki, -Ninkawe en mia yoinon nato mananxawebora ibakanke matoki shiroxon osani saa iti, matoronki iki kikinshaman ishtoma jonibo, jaabiki mato rabiti ikira iibakanke- akin. Jatianki chaxon mari irake aka iki.


Jainxonki chaxon kaxon jawen kaibobo tsinkia iki, jaskara joi ninkaxon jato yoinonxon. Moa tsinkikaketianki aka iki jato yoikin, mananxawebo jatoki shirokana. Jatianki chaxobo kikini sinakana iki. Jatianki westiora ika iki -tson jato jaskaayama riki jaabo jaskajaskati-ixonki jato yoia iki -Enra jato onamai kai, enra jato tanai kai ishtotani ikaxra ikanai itani- iki.

Jainoaki wetsabaon yoia iki -miabicho kayamawe non mia chibanbanon- akin. Jaabiki kikini kenyamaa iki. Jainoaxki kaa iki jato benai, kakin ninkataronki ika iki westioraki xebon joshin bimi pii -Aexxxx chaikoni choinchoin paepaebiresssss aexxxxx- iiti, xexon joshiman paenax.

Jatianki chaxon nokoxon yokata iki -ɔjawe akirin mia joni?- akin. Jatianki yoia iki -ikama neno nokon xeati xeax paena- iki. Jainxonki chaxon yoia iki, -joni, mibeshaman ishto tananaanankasi riki ea- akin. Jainoaki mananxawen yoia iki, ikon akin, -Ninkawe enra ramabi iti atipayamake eara moa paena iki, jawekeskaki iti iki noa bakish yamekiri tanata itanribira bari koshiora iki, miara ishtoinra paxkinanke- ikin. Jatianki chaxon osantaanan aka iki -lkonrake yamekirira en mia manai, non bainkoxon- akinki aka iki.

Jainxonki mananxawenin jato tsinkia iki. Moa tsikikaketianki jato yoia iki moa chaxon ishto tanaananti yokata. Jatianki wetsabaon yoia iki, -jawetianbi minbicho jaskara jaweki ayamanonxiwe- akinki akana iki. Jaskaataananki shinakana iki -Ramaki non jawekeskaaxon non chaxo ishto tanai, noa akaxra shirokanake, shinanon akanwe- akin. Jatian wetsanki





jato yoia iki, –ninkakanwe jaa inon jato chibani bai riki kikinshaman tsitson ichaya, jain ishtokin kaxon ino bimayamani. Jaskara iketian jaa tsitsontiibi noa rakakanti jake, nisakan mapotax noa merakantima kopi– akin.

Jainoaxki moa bokana iki bakish yamekiri jatibi moa jain ikanti kopi. Kaaxki ikana iki jaa tsitsontiibi rakati, jainoax nisakan mapoti kikin jishtimabires. Jatian jatiribikiika iki tsinkitax yoyo iki. Jatianki chaxobaon rana iki mananxawebo jato ointi. Jaa kaxon oinaronki ika iki tsamaxon mesko joibo yoixon osani saa irikatiti. Jaaki chaxon jato oina iki. Jainxon ninkataronki ika iki jaa kikin yosi mananxawe yoyo iki –Ninkakanwe jonibo ramara non janeai jaa bakish chaxo betan ishto tanaonani kai– iki. Jaskaatananki janekana iki. Jainki yoikana yosishamanra iti jake iki. Jaskaaxonki janekana iki westiora mananxawe yosishoko. Ikaxbi jaa ika iki chaxon ninkanon ikaxres, moabireskaya boankana ikenbi.

Jaa ninkataanronki ika iki chaxo kikinshaman ishto kai. Kaxonki jato yoia iki –Jaskati jonibo kikiankinra non wetsan mananxawe yosi ishtoxon potabaini kai, kikin yosishoko janekanke, jaashoko nobe senema– akinki jato aka iki. Jainxonki mari joni kenaxon yoikana iki jato atsa xeatiaxonti bakish nete mananxawe kanaxon rarokin xeati. Jaki mari ainbaon jato atsa xeaticxona iki. Jainoaxki chaxo jonibo tsinkikana iki jaa atsa xeatiakanainko. Jainxon ani pishta rarokin anoxon.

Jatian mananxawebobiribi jakon jakonshamani, tsoabi tsokasa yama. Jaaki ikana iki chaxobo sasaashamani netei. Jainxonki jatiribibaon moa xeakin peokana iki, moa ikonbiresi raroi.

Jainoaxki chaxo joni kaa iki, jaa mananxawe benai. Kaxon jisaki jaashoko nokoti jisama, jaskara ishtoma ixonki mananxawenin yoia iki –Ea boejoni maton

bai ikainko, noa ishtontani nokonon-akin. Jatianki chaxon osantaanan aka iki -kawe, noabiribi ishton nokokasara jakoma iki- akin jaa chaxoki shirokin. Kaaxki nokokana iki jaa jainxon inon chaxo chibani bai ikainko.

Kaaxronki nokokana iki westiora ani bemaya jiji naman. Jainoaki aka iki mananxawen yoikin -Eapari rekenba joni, moa tsitsoain keyokainainra mia ishtoi peokotai- akin. Jaskaaki chaxon jeen aka iki.

Jainoaxki ika iki moa mananxawe kai peokoti oa penkopenkonaini. Jatianki chaxon kikiankin osana iki, jaa kai oinxon.

Jaa moa iakekaintianki ika iki chaxo ishtoi peokoti, kakinki kenakenabainkin, -Chaikoni akin akaki jee ikaini. Jatiankayaki chaxo kikini ishtoi jaa nokokasi, jaabi jaabi kai, ikaanaronki ika iki moa chaxo paxkini peokoti. Jainxon

moa ocho kaxon yokatabikin jatio ochoribi jee iki.


likananki ika iki moa chaxo jana pikoti peokoti, jaabiki ika iki ishtoi kai, kakini kenakin -Chaikoni jatian jee- ikaki jaabebon.

Jaa chaxojaskatai kamanki, wetsabobiribi atsa xeati xeai saa iiti, moa paeni peokokana, rabikin xeai.

Jabi iikananki ika iki moa chaxo kenayamai. Jainoaki moa wetsa mananxawe baon oinaki ika iki, chaxo jana shere ikaina, moa pinikan retea.

Jainoaxki ishton mananxawebo tsinkikana iki. Jaskaxon kenakana iki mari joni, jatian mari jonin jato yoia iki -Chaxobo riki kikini paenkana, kikini raroi, matoki shiroi- akin. Moa kimisha nete pekaaki ikana iki chaxobo tsinkiti. Jainxon oinkanaronki ika iki jaa ishtoi kaibarachaxo yama. Jainoaxki jaa benai





bokana iki. Kaxon oinkanaronki ika iki moa mawata. Jainki kikini oniskana iki, jaa akintitianbi paenax.

Jainoaxki mananxawebo jatibianoax tsinkikana iki, jaskara ninkatax. Jainxon oinkana iki, xawe, kabori, kopitso, jinan ewa, koriapiri, kopitsoribo jenemeranoax mapekana, jawetianbi mapeyosma ikaxbi. Joaxki ikana iki saa iki kikini raroi. Jainxonki kaborinin jato yoia iki, moara baritia naposhaman iki, nonra mashinxon mato rarokinkasai, jainra non ani pishta akai, jain bokanwe, matonra noa jakon ninkakamake- akin.

Jainxonki oi yoshin yoikana iki, rama nete oi beaikeska tirin iti, ikaxbi oi bematima -non pishtankora jonibo

jonake, jabaonra noa tsokas akanake-akin. Yantanpaketainki kikini tirin iki, jatian jonibo oira bebirai ikaxki oxakana iki. Jaa yameekayaki jaa pexkanyabobiribi kikin mashin ransai saa iiti. Moaribi netexabataitianki moa jenemeabo boi, jaa kachio keabobiribi niimeran boi.

Jatianki ika iki joni yamekiri jawen santira oini kai. Kakin jisaronki ika iki, mashinapo kopitsonin kai mapeta, jaa toya ainboboki jainbi bakenbainkanabo, jaaki jonin aka iki jaa bachi tsinkikin.

Jainoaxronki peokonike kopitsonin mashin yosai ika joi. Jakopironki apaonike jaa oxeshaman kopitsonin mashin mapexon yosakin.

Pishpishan ese jonin ninkani

Jonironki ika iki jawen awin betan wai anonxon mai benai kai. Kaxonki mai oinaronki ika iki, moatian wai akani patax, ani nawe. Ikaxbiki kikinshama parantanin kai, oa joshin texkan itan ramakaya joshinaishamanboki.


Jaskara oinxonki jonin aka iki, jawen awin yoikin jaa wai tekibi peshpaati. Jainxon wai akin peononxon. Jainoaxki kaa iki paranta joshin jawekiati topo bii. Kaxon biaxki joribaa iki. Joxonki aka iki jaashoko jawekianonxon jawen awin kobiamakin.

Nete xabataitianki iamanpari kaa iki. Kaxonki aka iki yapa tsakakin, jainoax joxon aka iki yapa bea jawekiakin. Joketianki jawen awinin yoia iki,

-kikinshaman pishpishan kai riki neno tsaai iki, jatsan. Jaabicho ipanakan iskobobi- akin. Jatianki jawen benen aka iki -jabaonra jawe ninkayamai- akin. Japekaoki aka iki tee peokin, wai sepakin. Jainxon ninkataronki ika iki kikinshaman pishpishyabi iskon kai jaa paranta joshin aki saa iki. Jatton keotininbiribi iki pish, pish, pish, pish iki. Jatian iskoboribi morokochochooo, morokochochoooo iki. Kikinshaman jatsan iibaiti. Nato isko, pishpish, pitso, meskokeska isaboki jain beax saa iki.

Yantanpake tantixon jonin oinakayaki kikinshaman paranta joshin nato isko, pitso itan pishpishan pia.





Jainoaki jawen awinin aka iki yoikin
-kamentanwe, jato ibini jainbiorara
iibaikanai- akin.

Jainoa kaxonki aka iki jato ibinkin
jaweatibira ibon jawekiati keyoi
iisanakoni, mato axona riki itani, jawen
bakebobiribi jawekiamanonxon aka iki-
akinki jato ninkataimabi yoia iki.

Jaskakenbironki ika iki abokoma jaa
manaon kai -yoashiii yoashiii- iikawani,
jaa joni ninkamai. Jatianki joni ninkata
iki, jationki -chon, wai ibotani
ikaxmabira ea iitai- ikax kaa iki. Jainoaxki
ika iki moa joni yantan rakati jawen awin
betan. Jaa rakaxon ninkataronki ikai
popoki -Totoshaman rikiii, totoshaman
rikiii, yoashiamawe, yoashiamawe,
minama rikiii, iboyamaweee- iikiai.
Jaskara ninkataananki ika iki joni yoyo
iki -apo ibotanixmabi yoashiii itainra ea
akai isabaon yoashinin kenakin- ikaxki
ika iki, shinametax oxai.

Jaa netexabataitianki iká iki jishteni.
Jainxonki aka iki shinanshinankin,
wetsabaon jawekinin yoashitima ixon.
Jainxon ninkataronki ika iki, paranta
nawe pasenenainki yoyo ikai keska.
Jaskaketianki jawen awinin yoia iki -
ninkawe, ainbo yoyo itai- akin. Jainxon
jakoankin ninkataronki ikai ainbonin joi.,
Jaaki jakoankin ninkakanaronki ika iki,
ainboki jawen bakebo esei. Jainoaxki
nayakaxon ninkataronki ika iki neskati,
-bakebo moa jishtenkanwe jishtenxon
shinanshinankanwe, jawetani anonxon,
kikinshaman goitimamein iki mato,
moara ikai nete xabaribi, enchoribi
masa tenebainon mato yoi ikaanaitian,
ninkayamarai maton. Netetibi ikai paranta
joshin wai ibobo yoyo iki, pishpishanra
keyoke, pishpishanra keyoke iki, iikanon
jakiribi netei- akin jato yoi. Jaskara
ninkaataananki joni ika iki kikini rateti,
isashoko ixonbi jawen bakebo esei
ninkatax.

Jainxonki jonin aka iki shinanshinankin, jawen wai sepaananbi. Jaixonki shinanribia iki-jawekeska ixon jakomakin ninkataxmein ea iitai- ixon.

Jaskara shinanaxxonki aka iki jawen awin yoikin xobon katimapari, jakoankin onankasi. Jaskataxki banebekona iki. Jainoaxki karibaa iki jawen wai sepai, moa iibaitiki joa iki jawen peotain.

Jaa yantanki ika iki moa rome jotijotiwanaxki rakati jawen bachin. Jainxon ninkataronki ika iki riroki keoti - Jii yoashi, jii yoashi- iki, jaa kaimito joshin iwanainoax. Jatianki joni ika iki jakoma shinani rakata, jaabiki jonin ninkaresa iki.


Jainoaxki ika iki netexabataitian jishtenax jawen awin betan yoyo iibekoni, mesko jawekibo shinanshinani. Moa oxnebetanaitianki iribai, yoyo iki, ninkati ainbonin joiribia iki. Jaaki joni bachimeax pikotax ochomakaini. Kakin ninkataronki

ika iki -bakebo moa jishtenkawe, oxa oxabichoi, nete xabataitian wetsanko jawekiati benai kati shinanshinankin, masa akai maton ea tenemakin, wai ibobo joax yoyo ikaitian, jakiribi pishpishan keyoke, pishpishanra keyoke iki ikanai netetiibi, papanra mato jawebi yoiamai, esemisti onama ixon- akinki jato aka iki.

Jaskara ninkaatananki joni moa jawen awin betan kaa iki jawen xobonko. Nokokin ninkataronki ika iki jawen bakeboki wetsabaon yobin bana aki saa iki. Jatianki ainboninki aka iki jawen bene yoikin -ointa min bakebo jaskatai- akin.

Jaskarainxonki jonin shinana iki, jawen bakebo kikinshaman yoitima, wetsabaon yobin bana jato akanani. Jaaki ainbonin jawen bakebo notsina iki, jatianki jawen benen yoia iki, -nete xaba taintiankaya awe jato esekin, ramabira tsokas ikanai- akin.





Jaa nete xabaketianki aka iki ainbonin jawen bakebo moa nete bei oxnebeiranaitian jato jishteankin – moara neteribiai jishtenkanwe matoribi jaton yobin aki saa inonra moa nete xabake. Pikoxon yobin banati shinankanwe, wetsabaon jaweki bana riki teatima, jaa riki jaton bakebo axonkana, eara akai maton rabin masatemakin– akinki jato aka iki.

Jainxonronki aka iki ainbonin namakin, westiora ainbo kikin soishoko. Joxonronki aka iki, yokakin –jaweati masa shinaniki mia itai ainbo– akin. Jatianki yoia iki, –ikama nokon bakebo yoitimaira iketian, jaskashamanxon jato ponteti atipayamaxon shinanshinani– akin. Jainxonronki aka iki, masa shinanyamawe ainbo, kawe en mia rao onamanon, min jato raonon jakoma riki noabiribi jaskata,

eapacho nokon bakebaon jaskamai ixonra en onanke– axonki boa iki.

Kikin kachio kaxonronki aka iki oimakin, jiwınwaran kikin bimi ichaya. Jainxonki aka iki, –nato xeamawe jawen bero wexaxon kikin rayara baneti kai ikaxbi samamawe. Bona kokomayamawe, jaa ama pekaora min xeamai tanti rao. Janra jawen shinan tantimai, jaskarakopi iki nokon bake janbiribi iitai– akin.

Jaaronki ika iki ainbo nekebi jishtenxonki shinankin. Jainoaxki yamekirishoko kaa iki kachio kaxonki bia iki jiwınwaran bero. Joxonki aka iki rawexkin, jaskaxon jawen bakebo xeama iki, jaa pekao tanti rao.

Jaa xeama yameki yoia, ramara min jato nete xabataitian pikoxon jato nashimai. Jainxon jato min chaxo ratasmai ibakanon koshi itan raya– akin. Jaskarainoaxronki ika iki jaskara ese pikoti.

Kapan atsa wai ati joni onamani

Westiora xane inkayaronki ikatai kikinshaman jatibi yoa jawekiya. Ikaxbirobnki ikatai kikinshaman yoashi. Atsa taxo bananonxon yokakana jato menikinki chiikan raposkokoro axon jato menekin. Jaa boxon banakayaki xoxoyamai, moa menoa ikax. Jaskara iketianronki jonin shinana iki, jawen wainko kaxon yometsoati.

Jaskara shinaxonronki akatai jonin, jonexon inkan jaweki akaibo oinkin, jawetianki jawen wainko kai ixon. Moa jatibi onanyontaananki ika iki westiora yamekiri bari keyainatainki kai, atsa taxo yometsoi. Jaaronki ika iki wai pekao kaxonki sotameexon oinkin. Moa tsoa yama oinax kaibironki aka iki

joninki pekaorixonki kenatoshikin, –joni jawe akirin mia– jatianki aka iki –ikama nokon bakebo jawekiakasi winii saa ikanaitianra ea joke Xane Inkan atsa taxoshoko bixon wai axon bananonxon biikasi– akinki aka iki.

Jaskaketianki kapa jonin aka iki –noabiribi jawekinini kenara jakoma iki, kawe mia wai ati axeanon– akin. Jainxonronki boa iki niinapo. Jawen wai ochoma, nokoxonki jawen pisha manxantanishoko chopetaananki bia iki, westiora mari xeta. Jaa bitaananki yoia iki – enra mia nenonxon oinai naton jaa ani jiwibo tasereapakewe– axonki menia iki. Jaa bixonronki aka iki jiwi anibo sere apakekin. Nato ani jiwiboki paketi keron



iki onsati, jaa pakekinki maxko jiwibo pachopakekin.

Jainxonki yoia iki -nenoa chonka netepekao joxon chiikan chachixon menoti riki, moa akin jaa tobo xabaaxon anonxawe, okebo katima kopi. Jaskakin yoixonki potabaina iki. Jaa kapekaoronki aka iki jonin shinan shinankin tsoa jonimein ike ixon.

Jaskatax chonka nete pekao kaxon oinaronki ika iki kikinshaman jiwibo choshia. Jaaki aka iki jaa topo weneanxon xabaakin. Jaa aki itainronki joa iki jakiribi jaa joni, joxonki aka iki -joni mia en yoibata aki mia iitai - akin. Jaskaketianki yoia iki - akira ea iitai axekaskin- aronkia iki.

Jainxonki akina iki chiikan chachixon menokinkin. Jaa menokana pekaoronki ika iki, kikinshaman xabashaman rakati. Jainxonki yoia iki - ramara yamekiri

mia joxon jaa ani jiwibo tsamanxon menoribai- akinki aka iki. Jaaki nete xabaketian kaxon aka iki jawen yaminki jaa ani jiwibo xatepakexon tsamanxon menoribakin. Jaa akin seneantaanan kaa iki jawen xobon, kikinshaman bimana joshin chií xanan aka.

Jatian wainkoniox joketianki jawen anibaon yokata iki, -jaweranoaxkayaki mia joai bemanajoshin kikinshaman barín menoa- akinki akana iki. Jaskaketianki jaa jonin jato yoia iki -lkama, westiora jonin jaskaaxon wai ati onamaa akira itai- akin. Jaaki aka iki jonin yame shinanshinankin tsoa jonimein iki ea jaskarabo yoiai? ikiki ika iki. Jainoaxki kaa iki nete bei oxnebeiranaitian. Jaa kax wainko nokoxon jisaronki ika iki joni jain chankatina. Jaskaaxonki aka iki yoikin -joni miara joyamabirai ixon masa shinanira ea iitai- akin. Jaskaataanaronki aka iki, -kawe

nokon wainkononia atsa taxo binon, eara ichaya iki- akin. Betiwe en mia bobanon ikaxbi oinyamawe, min oinketianra non jawekeskaaxonbi biamai- akinki aka iki.

Jaaronki ika iki, kiniki ishtoi kaiki, kashkara kashkara ikaini, jaabi jonin oinyamakin. Moa shokores iitaananronki ika iki nokoti - moa oinwe- akinki aka iki. Jaskaaxon oinaronki ika iki, niimeran atsa banabo iyyakebaina. Jainxon oinaki niimeran koin jokon jokoni. Jainoa jaa boatonin yoia iki, - jaa koin jokonaibo riki nokon kaibobo, noara ochobo jaa iki- akinki aka iki.


Jaskaatananronki aka iki yoikin, -joni, biwe jaa atsa taxobo, jarake meskokeska atsa, joxo itan panshin, rabinyamawe biwe- akinki aka iki. Jatianki jonin onanyamaa ika iki. Jainoaki aka iki - minra onanyamake en mia bixonbanon, westiora nea joxo atsa taxo itan westiora nea panshin atsa- akin axon bixona iki. Jainxon oinaronki ika iki joyonkin atsa

banaama ochobo westishamanbo. Moa senen anxonki aka iki yoiribakin -kawe kanon wetsa netenra en mia nokon kaibo onamakin beai- akinki aka iki. Jainxonronki yoiribaa iki. -betiwe noa kanon akia iki, jaaaki joni betiribaa iki, jaa iwana keskaribi. Jaa basikainainkin yoia iki -moara noa nokoke joni, rama awe banakin- axonki amaa iki.

Jainoaki aka iki jonin banakin peokin. Jaaki aka iki wai pochinikon joxo atsa banakin. Jatian pochinikonribi aka iki panshi atsa. Jainxonki aka iki yoikin -rabe neten pekao joxon oinonxiwe, jatianra moa ani taponyabo ikai akin. Jaskaataananki kaa iki jaa joni.

Jaskaakin yoiabiki ika iki joni yamekirishoko joribai. Jokin ninkataronki ika iki marin kaiki saa iki. Jaaki ika iki joniki neteshoko joi oini, jainxon oinaki maribo. Jaaki jonin oin oinkin, jaskataibironki ika iki wetsaki, -bokanwe goitima





ixonra noa senen amayamake, jawen ochanbira anonxiki basi oxe manati-ikaini. Pikoshon oinaki ika iki atsaboki wekanbaina. Jasketianronki ika iki jan amaa joni pikotoshi. Joxonki yoia iki -joni enra mia yoibaake rabe netepekao joti, ikaxbira nokon joi min senen ayamake, ramara min manati jake kimisha oxepari min yoitima kopi- axonki potabaina iki.

Jainpariki jonin shinana iki, -mari jonibaon ea atsa axonabira ea ochake-ixon shinana iki. Jainxonki akatiai moa manishaitibi orokin. Moa kimisha oxe senenketian oinaronki ika iki jawen taponboki kikinshaman toxaabainabo. Jaaki aka iki machitonin tachinixon tsekakin. Jaskakenbironki ika joni joribai, joxonki yoia iki, -jaskayaamawe neskaaxon mexati riki- axonki aka iki axonkin. Jainoaki jonin yoia iki -kawe nokon xobonko kanon en mia nokon poi bimanon- akin. Jaskaaxonki boa iki. Jaa

atsaya kai oinaxki jawen awin itan jawen anibo kikini ratekana iki.

Kaxonki jawen ani rabe yoia iki -Nato jonira en beke jan riki ea nato atsa menia, jakopira ea ipachoai jabe nii- akinki jato aka iki. Jainoaronki akana iki jawen poi rabebi menikin jaa atsa menia rarokin. Jainxonki jato axea iki jaskaakin atibo.

Jaskara moa basi iitainbironki ika iki, jawen rayoski paenax yoyo iki -mechoshoko ixonbira akai nokon rayosan noa jawekiamakin, jakontani tari axononxiwe bake- iki. Jaskara ninkaatananki mari joni rabinkaini kaa iki. Moa yantanpaketaitian benakanabi yama. Jaa neteronki ika iki nete panshini, jainoaxki kapa yoyo ika iki, -Eri barira panshinke kapara benoke- iki, jaskatax onisa iki.

Jaskatax kaxki jawen aniboiba nokota iki. Kaketianki akana iki -onisyamawe jabora noakeskama iki, ibakanon jaton

netenbiribi iiti, moara min jato axonke atsa wai axonkin, eara moa yosishoko iki, jainoa en atsa jawekiati- akin.

Jainxonki akana iki jawen chain kikiankin mari benakin, jabichobo niimeran kaxon kenakin, jabiki yama. Jainxonronki marin ja joni noibaa iki. Jainxonki nokoa iki. Nokoxonki yoia iki -joni ea moa benayamawe jakoma riki noabiribi jakon joni rayos akasa, abanon min poin wetsa joni bikin itan jakon taria- akin. Jaabiki jonin aka iki xobon bokaskin teakin. Jainxon oinaki moa mari joni yama, ani jiji kinimeran moa jikia. Jainoaki aka iki, ani jiwini nakokin.

Jaskaketianronki aka iki, chichoxon yoikin -ea mereshamawe joni nokon konpa sinatamabi moa katanwe, enra mia ramiayamai- akin. Jaabiki joni moa yoshinkaina, jaaki ani jiji xatexonki aka iki jakiribi nakokin. Jaskaxon oinaronki ika iki jaa jiji kinimeax ani kamox pikoti. Jaaki joni kikini rateta iki.

Jainoaxki moa joni kaa iki jawen xobon. Kaketianki jawen titan yokata iki -bake minki chai nokoyamaa- akin. Jatianki jonin yoia iki -Jokashamarake, en bekasa sinakinra jawen konpa ea natexmakeanke, jawen konpa riki kamox- akin. Jaskarainxon onankana iki marin konpa kamox.



MAPA LINGÜÍSTICO DEL PERÚ PARA LA EIB




PERÚ

Ministerio de Educación



FAMILIAS LINGÜÍSTICAS Y LENGUAS ORIGINARIAS DEL PERÚ

- Familia Arawak (1)**
 - maja
- Familia Arawak (10)**
 - asháninka
 - kuzina
 - chamicum
 - yagari
 - matsigenka
 - nani
 - nomatsigenka
 - resigaró
 - yanesha
 - ylla
- Familia Azo (2)**
 - amara
 - kashí
 - jagaru
- Familia Bora (1)**
 - bora
- Familia Carib (2)**
 - shawi
 - shawi
- Familia Harákmbut (1)**
 - harákmbut
- Familia Huasteco (2)**
 - muni-munira
 - oama
- Familia Jivaro (3)**
 - ashuar
 - awajún
 - wampis
- Familia Kambón (1)**
 - kambón-chapa
- Familia Mursi (1)**
 - mursi
- Familia Pano (10)**
 - amahuaca
 - kapenawa
 - cebinahua
 - icorinahua
 - kukatshua
 - mairi
 - sharanahua
 - shapibo-konbo
 - yamatshua
 - rathua(yora)
- Familia Peto-Yagua (1)**
 - yagua
- Familia Quechua (1)**
 - quechua
- Familia Uruina (1)**
 - uruina
- Familia Ticana (1)**
 - ese eja
- Familia Tiwana (1)**
 - ticana
- Familia Tsimba (2)**
 - majli
 - seciya
- Familia Tipi-Guarani (2)**
 - kukama kukamita
 - onague
- Familia Zapara (3)**
 - arabela
 - ichu
 - tsafiki



CARTA DEMOCRÁTICA INTERAMERICANA

I

La democracia y el sistema interamericano

Artículo 1

Los pueblos de América tienen derecho a la democracia y sus gobiernos la obligación de promoverla y defenderla. La democracia es esencial para el desarrollo social, político y económico de los pueblos de las Américas.

Artículo 2

El ejercicio efectivo de la democracia representativa es la base del estado de derecho y los regímenes constitucionales de los Estados Miembros de la Organización de los Estados Americanos.

La democracia representativa se refuerza y profundiza con la participación permanente, ética y responsable de la ciudadanía en un marco de legalidad conforme al respectivo orden constitucional.

Artículo 3

Son elementos esenciales de la democracia representativa, entre otros, el respeto a los derechos humanos y las libertades fundamentales; el acceso al poder y su ejercicio con sujeción al estado de derecho; la celebración de elecciones periódicas, libres, justas y basadas en el sufragio universal y secreto como expresión de la soberanía del pueblo; el régimen plural de partidos y organizaciones políticas; y la separación e independencia de los poderes públicos.

Artículo 4

Son componentes fundamentales del ejercicio de la democracia la transparencia de las actividades gubernamentales, la probidad, la responsabilidad de los gobiernos en la gestión pública, el respeto por los derechos sociales y la libertad de expresión y de prensa. La subordinación constitucional de todas las instituciones del Estado a la autoridad civil legalmente constituida y el respeto al estado de derecho de todas las entidades y sectores de la sociedad son igualmente fundamentales para la democracia.

Artículo 5

El fortalecimiento de los partidos y de otras organizaciones políticas es prioritario para la democracia.

Se deberá prestar atención especial a la problemática derivada de los altos costos de las campañas electorales y al establecimiento de un régimen equilibrado y transparente de financiación de sus actividades.

Artículo 6

La participación de la ciudadanía en las decisiones relativas a su propio desarrollo es un derecho y una responsabilidad. Es también una condición necesaria para el pleno y efectivo ejercicio de la democracia. Promover y fomentar diversas formas de participación fortalece la democracia.

II

La democracia y los derechos humanos

Artículo 7

La democracia es indispensable para el ejercicio efectivo de las libertades fundamentales y los derechos humanos, en su carácter universal, indivisible e interdependiente, consagrados en las respectivas constituciones de los Estados y en los instrumentos interamericanos e internacionales de derechos humanos.

Artículo 8

Cualquier persona o grupo de personas que consideren que sus derechos humanos han sido violados pueden interponer denuncias o peticiones ante el sistema interamericano de promoción y protección de los derechos humanos conforme a los procedimientos establecidos en el mismo. Los Estados Miembros reafirman su intención de fortalecer el sistema interamericano de protección de los derechos humanos para la consolidación de la democracia en el Hemisferio.

Artículo 9

La eliminación de toda forma de discriminación, especialmente la discriminación de género, étnica y racial, y de las diversas formas de intolerancia, así como la promoción y protección de los derechos humanos de los pueblos indígenas y los migrantes y el respeto a la diversidad étnica, cultural y religiosa en las Américas, contribuyen al fortalecimiento de la democracia y la participación ciudadana.

Artículo 10

La promoción y el fortalecimiento de la democracia requieren el ejercicio pleno y eficaz de los derechos de los trabajadores y la aplicación de normas laborales básicas, tal como están consagradas en la Declaración de la Organización Internacional del Trabajo (OIT) relativa a los Principios y Derechos Fundamentales en el Trabajo y su Seguimiento, adoptada en 1998, así como en otras convenciones básicas afines de la OIT. La democracia se fortalece con el mejoramiento de las condiciones laborales y la calidad de vida de los trabajadores del Hemisferio.

III

Democracia, desarrollo integral y combate a la pobreza

Artículo 11

La democracia y el desarrollo económico y social son interdependientes y se refuerzan mutuamente.

Artículo 12

La pobreza, el analfabetismo y los bajos niveles de desarrollo humano son factores que inciden negativamente en la consolidación de la democracia. Los Estados Miembros de la OEA se comprometen a adoptar y ejecutar todas las acciones necesarias para la creación de empleo productivo, la reducción de la pobreza y la erradicación de la pobreza extrema, teniendo en cuenta las diferentes realidades y condiciones económicas de los países del Hemisferio. Este compromiso común frente a los problemas del desarrollo y la pobreza también destaca la importancia de mantener los equilibrios macroeconómicos y el imperativo de fortalecer la cohesión social y la democracia.

Artículo 13

La promoción y observancia de los derechos económicos, sociales y culturales son consustanciales al desarrollo integral, al crecimiento económico con equidad y a la consolidación de la democracia en los Estados del Hemisferio.

Artículo 14

Los Estados Miembros acuerdan examinar periódicamente las acciones adoptadas y ejecutadas por la Organización encaminadas a fomentar el diálogo, la cooperación para el desarrollo integral y el combate a la pobreza en el Hemisferio, y tomar las medidas oportunas para promover estos objetivos.

Artículo 15

El ejercicio de la democracia facilita la preservación y el manejo adecuado del medio ambiente.

Es esencial que los Estados del Hemisferio implementen políticas y estrategias de protección del medio ambiente, respetando los diversos tratados y convenciones, para lograr un desarrollo sostenible en beneficio de las futuras generaciones.

Artículo 16

La educación es clave para fortalecer las instituciones democráticas, promover el desarrollo del potencial humano y el alivio de la pobreza y fomentar un mayor entendimiento entre los pueblos.

Para lograr estas metas, es esencial que una educación de calidad esté al alcance de todos, incluyendo a las niñas y las mujeres, los habitantes de las zonas rurales y las personas que pertenecen a las minorías.

IV

Fortalecimiento y preservación de la institucionalidad democrática

Artículo 17

Cuando el gobierno de un Estado Miembro considere que está en riesgo su proceso político institucional democrático o su legítimo ejercicio del poder, podrá recurrir al Secretario General o al Consejo Permanente a fin de solicitar asistencia para el fortalecimiento y preservación de la institucionalidad democrática.

Artículo 18

Cuando en un Estado Miembro se produzcan situaciones que pudieran afectar el desarrollo del proceso político institucional democrático o el legítimo ejercicio del poder, el Secretario General o el Consejo Permanente podrá, con el consentimiento previo del gobierno afectado, disponer visitas y otras gestiones con la finalidad de hacer un análisis de la situación. El Secretario General elevará un informe al Consejo Permanente, y éste realizará una apreciación colectiva de la situación y, en caso necesario, podrá adoptar decisiones dirigidas a la preservación de la institucionalidad democrática y su fortalecimiento.

Artículo 19

Basado en los principios de la Carta de la OEA y con sujeción a sus normas, y en concordancia con la cláusula democrática contenida en la Declaración de la ciudad de Quebec, la ruptura del orden democrático o una alteración del orden constitucional que afecte gravemente el orden democrático en un Estado Miembro constituye, mientras persista, un obstáculo insuperable para la participación de su gobierno en las sesiones de la Asamblea General, de la Reunión de Consulta,

de los Consejos de la Organización y de las conferencias especializadas, de las comisiones, grupos de trabajo y demás órganos de la Organización.

Artículo 20

En caso de que en un Estado Miembro se produzca una alteración del orden constitucional que afecte gravemente su orden democrático, cualquier Estado Miembro o el Secretario General podrá solicitar la convocatoria inmediata del Consejo Permanente para realizar una apreciación colectiva de la situación y adoptar las decisiones que estime conveniente. El Consejo Permanente, según la situación, podrá disponer la realización de las gestiones diplomáticas necesarias, incluidos los buenos oficios, para promover la normalización de la institucionalidad democrática. Si las gestiones diplomáticas resultaren infructuosas o si la urgencia del caso lo aconsejare, el Consejo Permanente convocará de inmediato un período extraordinario de sesiones de la Asamblea General para que ésta adopte las decisiones que estime

apropiadas, incluyendo gestiones diplomáticas, conforme a la Carta de la Organización, el derecho internacional y las disposiciones de la presente Carta Democrática. Durante el proceso se realizarán las gestiones diplomáticas necesarias, incluidos los buenos oficios, para promover la normalización de la institucionalidad democrática.

Artículo 21

Cuando la Asamblea General, convocada a un período extraordinario de sesiones, constate que se ha producido la ruptura del orden democrático en un Estado Miembro y que las gestiones diplomáticas han sido infructuosas, conforme a la Carta de la OEA tomará la decisión de suspender a dicho Estado Miembro del ejercicio de su derecho de participación en la OEA con el voto afirmativo de los dos tercios de los Estados Miembros. La suspensión entrará en vigor de inmediato.

El Estado Miembro que hubiera sido objeto de suspensión deberá continuar observando el cumplimiento de sus obligaciones como miembro de la Organización, en particular en materia de derechos humanos.

Adoptada la decisión de suspender a un gobierno, la Organización mantendrá sus gestiones diplomáticas para el restablecimiento de la democracia en el Estado Miembro afectado.

Artículo 22

Una vez superada la situación que motivó la suspensión, cualquier Estado Miembro o el Secretario General podrá proponer a la Asamblea General el levantamiento de la suspensión. Esta decisión se adoptará por el voto de los dos tercios de los Estados Miembros, de acuerdo con la Carta de la OEA.

V

La democracia y las misiones de observación electoral

Artículo 23

Los Estados Miembros son los responsables de organizar, llevar a cabo y garantizar procesos electorales libres y justos. Los Estados Miembros, en ejercicio de su soberanía, podrán solicitar a la OEA asesoramiento o asistencia para el fortalecimiento y desarrollo de sus instituciones y procesos electorales, incluido el envío de misiones preliminares para ese propósito.

Artículo 24

Las misiones de observación electoral se llevarán a cabo por solicitud del Estado Miembro interesado.

Con tal finalidad, el gobierno de dicho Estado y el Secretario General celebrarán un convenio que determine el alcance y la cobertura de la misión de observación electoral de que se trate. El Estado Miembro deberá garantizar las condiciones de seguridad, libre acceso a la información y amplia cooperación con la misión de observación electoral. Las misiones de observación electoral se realizarán de conformidad con los principios y normas de la OEA. La Organización deberá asegurar la eficacia e independencia de estas misiones, para lo cual se las dotará de los recursos necesarios. Las mismas se realizarán de forma objetiva, imparcial y transparente, y con la capacidad técnica apropiada. Las misiones de observación electoral presentarán oportunamente al Consejo Permanente, a través de la Secretaría General, los informes sobre sus actividades.

Artículo 25

Las misiones de observación electoral deberán informar al Consejo Permanente, a través de la Secretaría General, si no existiesen las condiciones necesarias para la realización de elecciones libres y justas. La OEA podrá enviar, con el acuerdo del Estado interesado, misiones especiales a fin de contribuir a crear o mejorar dichas condiciones.

VI

Promoción de la cultura democrática

Artículo 26

La OEA continuará desarrollando programas y actividades dirigidos a promover los principios y prácticas democráticas y fortalecer la cultura democrática en el Hemisferio, considerando que la democracia es un sistema de vida fundado en la libertad y el mejoramiento económico, social y cultural de los pueblos. La OEA mantendrá consultas y cooperación continua con los Estados

Miembros, tomando en cuenta los aportes de organizaciones de la sociedad civil que trabajen en esos ámbitos.

Artículo 27

Los programas y actividades se dirigirán a promover la gobernabilidad, la buena gestión, los valores democráticos y el fortalecimiento de la institucionalidad política y de las organizaciones de la sociedad civil. Se prestará atención especial al desarrollo de programas y actividades para la educación de la niñez y la juventud como forma de asegurar la permanencia de los valores democráticos,

incluidas la libertad y la justicia social.

Artículo 28

Los Estados promoverán la plena e igualitaria participación de la mujer en las estructuras políticas de sus respectivos países como elemento fundamental para la promoción y ejercicio de la cultura democrática.

El Acuerdo Nacional

El 22 de julio de 2002, los representantes de las organizaciones políticas, religiosas, del Gobierno y de la sociedad civil firmaron el compromiso de trabajar, todos, para conseguir el bienestar y desarrollo del país. Este compromiso es el Acuerdo Nacional.

El Acuerdo persigue cuatro objetivos fundamentales. Para alcanzarlos, todos los peruanos de buena voluntad tenemos, desde el lugar que ocupemos o el rol que desempeñemos, el deber y la responsabilidad de decidir, ejecutar, vigilar o defender los compromisos asumidos. Estos son tan importantes que serán respetados como políticas permanentes para el futuro.

Por esta razón, como niños, niñas, adolescentes o adultos, ya sea como estudiantes o trabajadores, debemos promover y fortalecer acciones que garanticen el cumplimiento de esos cuatro objetivos que son los siguientes:

1. Democracia y Estado de Derecho

La justicia, la paz y el desarrollo que necesitamos los peruanos sólo se pueden dar si conseguimos una verdadera democracia. El compromiso del Acuerdo Nacional es garantizar una sociedad en la que los derechos son respetados y los ciudadanos viven seguros y expresan con libertad sus opiniones a partir del diálogo abierto y enriquecedor; decidiendo lo mejor para el país.

2. Equidad y Justicia Social

Para poder construir nuestra democracia, es necesario que cada una de las personas que con-

formamos esta sociedad, nos sintamos parte de ella. Con este fin, el Acuerdo promoverá el acceso a las oportunidades económicas, sociales, culturales y políticas. Todos los peruanos tenemos derecho a un empleo digno, a una educación de calidad, a una salud integral, a un lugar para vivir. Así, alcanzaremos el desarrollo pleno.

3. Competitividad del País

Para afianzar la economía, el Acuerdo se compromete a fomentar el espíritu de competitividad en las empresas, es decir, mejorar la calidad de los productos y servicios, asegurar el acceso a la formalización de las pequeñas empresas y sumar esfuerzos para fomentar la colocación de nuestros productos en los mercados internacionales.

4. Estado Eficiente, Transparente y Descentralizado

Es de vital importancia que el Estado cumpla con sus obligaciones de manera eficiente y transparente para ponerse al servicio de todos los peruanos. El Acuerdo se compromete a modernizar la administración pública, desarrollar instrumentos que eliminen la corrupción o el uso indebido del poder. Asimismo, descentralizar el poder y la economía para asegurar que el Estado sirva a todos los peruanos sin excepción. Mediante el Acuerdo Nacional nos comprometemos a desarrollar maneras de controlar el cumplimiento de estas políticas de Estado, a brindar apoyo y difundir constantemente sus acciones a la sociedad en general.

Banco del Libro

INSTITUCION EDUCATIVA:								
DEPARTAMENTO:				PROVINCIA:				
^DISTRITO:								
Año	Grado	Sección	Nombres y apellidos del alumno	Código*	Condición del libro ^			
					Recibí	Firma del Padre	Entregué	Firma del Padre

* Código = Número de orden del alumno Condición del libro:

- A = Nuevo, completo, limpio, sin deterioro.
- B = Completo, se puede borrar algunas marcas, sin deterioro.
- C = Con marcas que no salen y con deterioros subsanables.
- D = Inutilizable, requiere reposición.

¿Cómo cuido y limpio mis libros?

- Forro mi libro con plástico o papel y le coloco una etiqueta.
- Limpio mi libro con una franela.
- Uso mi libro con las manos limpias y en lugares apropiados.
- Realizo las actividades en un cuaderno u hojas de trabajo, sin rayar ni escribir en mi libro.
- Evito doblar las puntas y que se manche con líquidos o dulces.




¡Cuido los libros porque otro niño los utilizará el próximo año!

SÍMBOLOS DE LA PATRIA



BANDERA NACIONAL



CORO
Somos libres, seámoslo siempre
y antes niegue sus luces el Sol,
que faltemos al voto solemne
que la Patria al Eterno elevó.



ESCUDO NACIONAL

Declaración Universal de los Derechos Humanos

El 10 de diciembre de 1948, la Asamblea General de las Naciones Unidas aprobó y proclamó la Declaración Universal de Derechos Humanos, cuyos artículos figuran a continuación:

Artículo 1.- Todos los seres humanos nacen libres e iguales en dignidad y derechos y (...) deben comportarse fraternalmente los unos con los otros.

Artículo 2.- Toda persona tiene todos los derechos y libertades proclamados en esta Declaración, sin distinción alguna de raza, color, sexo, idioma, religión, opinión política o de cualquier otra índole, origen nacional o social, posición económica, nacimiento o cualquier otra condición. Además, no se hará distinción alguna fundada en la condición política, jurídica o internacional del país o territorio de cuya jurisdicción dependa una persona (...).

Artículo 3.- Todo individuo tiene derecho a la vida, a la libertad y a la seguridad de su persona.

Artículo 4.- Nadie estará sometido a esclavitud ni a servidumbre; la esclavitud y la trata de esclavos están prohibidas en todas sus formas.

Artículo 5.- Nadie será sometido a torturas ni a penas o tratos crueles, inhumanos o degradantes.

Artículo 6.- Todo ser humano tiene derecho, en todas partes, al reconocimiento de su personalidad jurídica.

Artículo 7.- Todos son iguales ante la ley y tienen, sin distinción, derecho a igual protección de la ley. Todos tienen derecho a igual protección contra toda discriminación que infrinja esta Declaración (...).

Artículo 8.- Toda persona tiene derecho a un recurso efectivo, ante los tribunales nacionales competentes, que la ampare contra actos que violen sus derechos fundamentales (...).

Artículo 9.- Nadie podrá ser arbitrariamente detenido, preso ni desterrado.

Artículo 10.- Toda persona tiene derecho, en condiciones de plena igualdad, a ser oída públicamente y con justicia por un tribunal independiente e imparcial, para la determinación de sus derechos y obligaciones o para el examen de cualquier acusación contra ella en materia penal.

Artículo 11.-

1. Toda persona acusada de delito tiene derecho a que se presuma su inocencia mientras no se pruebe su culpabilidad (...).

2. Nadie será condenado por actos u omisiones que en el momento de cometerse no fueron delictivos según el Derecho nacional o internacional. Tampoco se impondrá pena más grave que la aplicable en el momento de la comisión del delito.

Artículo 12.- Nadie será objeto de injerencias arbitrarias en su vida privada, su familia, su domicilio o su correspondencia, ni de ataques a su honra o a su reputación. Toda persona tiene derecho a la protección de la ley contra tales injerencias o ataques.

Artículo 13.-

1. Toda persona tiene derecho a circular libremente y a elegir su residencia en el territorio de un Estado.

2. Toda persona tiene derecho a salir de cualquier país, incluso del propio, y a regresar a su país.

Artículo 14.-

1. En caso de persecución, toda persona tiene derecho a buscar asilo, y a disfrutar de él, en cualquier país.

2. Este derecho no podrá ser invocado contra una acción judicial realmente originada por delitos comunes o por actos opuestos a los propósitos y principios de las Naciones Unidas.

Artículo 15.-

1. Toda persona tiene derecho a una nacionalidad.

2. A nadie se privará arbitrariamente de su nacionalidad ni del derecho a cambiar de nacionalidad.

Artículo 16.-

1. Los hombres y las mujeres, a partir de la edad núbil, tienen derecho, sin restricción alguna por motivos de raza, nacionalidad o religión, a casarse y fundar una familia (...).

2. Sólo mediante libre y pleno consentimiento de los futuros esposos podrá contraerse el matrimonio.

3. La familia es el elemento natural y fundamental de la sociedad y tiene derecho a la protección de la sociedad y del Estado.

Artículo 17.-

1. Toda persona tiene derecho a la propiedad, individual y colectivamente.

2. Nadie será privado arbitrariamente de su propiedad.

Artículo 18.- Toda persona tiene derecho a la libertad de pensamiento, de conciencia y de religión (...).

Artículo 19.- Todo individuo tiene derecho a la libertad de opinión y de expresión (...).

Artículo 20.-

1. Toda persona tiene derecho a la libertad de reunión y de asociación pacíficas.

2. Nadie podrá ser obligado a pertenecer a una asociación.

Artículo 21.-

1. Toda persona tiene derecho a participar en el gobierno de su país, directamente o por medio de representantes libremente escogidos.

2. Toda persona tiene el derecho de acceso, en condiciones de igualdad, a las funciones públicas de su país.

3. La voluntad del pueblo es la base de la autoridad del poder público; esta voluntad se expresará mediante elecciones auténticas que habrán de celebrarse periódicamente, por sufragio universal e igual y por voto secreto u otro procedimiento equivalente que garantice la libertad del voto.

Artículo 22.- Toda persona (...) tiene derecho a la seguridad social, y a obtener (...) habida cuenta de la organización y los recursos de cada Estado, la satisfacción de los derechos económicos, sociales y culturales, indispensables a su dignidad y al libre desarrollo de su personalidad.

Artículo 23.-

1. Toda persona tiene derecho al trabajo, a la libre elección de su trabajo, a condiciones equitativas y satisfactorias de trabajo y a la protección contra el desempleo.

2. Toda persona tiene derecho, sin discriminación alguna, a igual salario por trabajo igual.

3. Toda persona que trabaja tiene derecho a una remuneración equitativa y satisfactoria, que le asegure, así como a su familia, una existencia conforme a la dignidad humana y que será completada, en caso necesario, por cualesquiera otros medios de protección social.

4. Toda persona tiene derecho a fundar sindicatos y a sindicarse para la defensa de sus intereses.

Artículo 24.-

Toda persona tiene derecho al descanso, al disfrute del tiempo libre, a una limitación razonable de la duración del trabajo y a vacaciones periódicas pagadas.

Artículo 25.-

1. Toda persona tiene derecho a un nivel de vida adecuado que le asegure, así como a su familia, la salud y el bienestar, y en especial la alimentación, el vestido, la vivienda, la asistencia médica y los servicios sociales necesarios; tiene asimismo derecho a los seguros en caso de desempleo, enfermedad, invalidez, vejez u otros casos de pérdida de sus medios de subsistencia por circunstancias independientes de su voluntad.

2. La maternidad y la infancia tienen derecho a cuidados y asistencia especiales. Todos los niños, nacidos de matrimonio o fuera de matrimonio, tienen derecho a igual protección social.

Artículo 26.-

1. Toda persona tiene derecho a la educación. La educación debe ser gratuita, al menos en lo concerniente a la instrucción elemental y fundamental. La instrucción elemental será obligatoria. La instrucción técnica y profesional habrá de ser generalizada; el acceso a los estudios superiores será igual para todos, en función de los méritos respectivos.

2. La educación tendrá por objeto el pleno desarrollo de la personalidad humana y el fortalecimiento del respeto a los derechos humanos y a las libertades fundamentales; favorecerá la comprensión, la tolerancia y la amistad entre todas las naciones y todos los grupos étnicos o religiosos; y promoverá el desarrollo de las actividades de las Naciones Unidas para el mantenimiento de la paz.

3. Los padres tendrán derecho preferente a escoger el tipo de educación que habrá de darse a sus hijos.

Artículo 27.-

1. Toda persona tiene derecho a tomar parte libremente en la vida cultural de la comunidad, a gozar de las artes y a participar en el progreso científico y en los beneficios que de él resulten.

2. Toda persona tiene derecho a la protección de los intereses morales y materiales que le correspondan por razón de las producciones científicas, literarias o artísticas de que sea autora.

Artículo 28.- Toda persona tiene derecho a que se establezca un orden social e internacional en el que los derechos y libertades proclamados en esta Declaración se hagan plenamente efectivos.

Artículo 29.-

1. Toda persona tiene deberes respecto a la comunidad (...).

2. En el ejercicio de sus derechos y en el disfrute de sus libertades, toda persona estará solamente sujeta a las limitaciones establecidas por la ley con el único fin de asegurar el reconocimiento y el respeto de los derechos y libertades de los demás, y de satisfacer las justas exigencias de la moral, del orden público y del bienestar general en una sociedad democrática.

3. Estos derechos y libertades no podrán, en ningún caso, ser ejercidos en oposición a los propósitos y principios de las Naciones Unidas.

Artículo 30.- Nada en esta Declaración podrá interpretarse en el sentido de que confiere derecho alguno al Estado, a un grupo o a una persona, para emprender y desarrollar actividades (...) tendientes a la supresión de cualquiera de los derechos y libertades proclamados en esta Declaración.

“DISTRIBUIDO GRATUITAMENTE POR EL MINISTERIO DE EDUCACIÓN
PROHIBIDA SU VENTA”